

DE CVRANDIS
VV LNERIBVS
SCLOPETTORVM

Authore

LEONARDO BOTALLO,
Athenſe Medico.




FRANCOFVRTI AD MOENVM,
apud Georgium Coruinum.
M. D. LXXV.

DE CURANDIS VALNERIBVS SCLOPETHORVM

ALBVS

LEONARDO BOTALLIO
A. M. D. C. LXXV.



IN VINDOBONA
APUD I. G. F. S. S. S.
M. D. C. LXXV.

ILLVSTRISSIMO ATQVE EXCELLENTISSIMO

VIRO CAROLO COSAEO BRIXTACENSI;
Tribuno Martiali, & in Subalpina Liguria Proregi
meritissimo, Leonardus Botallus Medicus
suis salutem plurimam precatur.



ON corporis robore, vel artuum dexteritate,
illustriſſimo atque excellentiſſime Prorex, hu-
manum genus ceteris animantibus præſtare
videmus, verum hercle intelligentia ipſa, qua
cum moderatis viribus, vniuerſi, quæ ſub na-
turæ imperio poſita facile dominamur, vti-
murq; prout libet, vel nobis ſit vtile, aut quidem
neceſſarium. Quæ item interea duobus bonæ indolis homines, varijs ſtu-
dijs, diuerſiq; officijs ac artibus ſe addixerunt, ita vt ad temperatam,
honeſtam, iucundamq; vitam nil amplius deeſſe videatur. At Natura
efficioſa non modo corpus membriis munitum ad omnia terrena nego-
tia paratū, & mentem ad contemplationem diſtinctionem, atq; rerum
electionem nobis plus ceteris ſibi ſubditis elargiri contenta fuit: ve-
rum etiam ſuprà hæc, vt lingua integro munere frueremur, effecit, ad
noſtræ mentis conceptus ſignificandos, & paſſiones effingendas, quæ
ſenſuum beneficio nobis afferri ſolent. Quæ omnia veluti ſub nube per-
pendens, quum adoleſcentiam agerem, frequenter contemplantar, nil
viquam concludens, præterquam immeritiſſimam prouida Natura
beneficij eſſe hominem, qui tempus deſidioſe conterens, præſtantiſſi-
mam animæ partem ſopitam ſepultamq; relinqueret, aut illam in rebus
humilibus, vel abiectis damnandiſſe occuparet. Hinc euentū eſt, vt qua-
dam deſcendi cupidine, veluti ſtimulo cōcitat⁹ abhinc annos tredecim
fidenter Philoſophiæ ac Medicinæ me totū tradiderim, in quibus ſub nu-
tu, vel potius ſauore excellētiæ tuæ adhuc aſſiduus verſor. Atqui mihi
interca loci quorundam Neotericorum auctorum ſcripta legere accidit:

De curandis sclopettorum vulneribus inscripta, quæ cum diligencia
examinauerim, & rationis atq; experientia omnino vacua esse cogno-
uerim, fore utile multis in futurum existimaui, si in re hac, quantum
experientia colligere, ac ratione comprobare potui (perinde ut vires
meæ usq; adhuc ferre potuero) exponerem. Quod nunc peractum opus
excellencia tua dicare non dubitaui, sperans id non humiliorem locum
in tuo con clauirerum memorabilium possissurum, quàm ego in bone-
fissima, magnificentissimâq; domo tua. Nam Regum, Principum, ma-
gnorumq; virorum domus, quales, quantaq; ipsæ re fuerint, singula-
rum bibliothecæ, rerumq; memorabilium conclauia, imitantur. Quam-
obrem ut hoc meum munusculum spernas, causa non est. Suscipe id igitur
eo animo, ac tibi dicatum est. Offeritur utique hilari, atque hynce-
ro. Et quaquam eiusmodi lectione non itidem oblecteris, atq; philoso-
phorum scriptis, vel mathematicum cuiuscunque generis, siue politico-
rum, aut historiographorum, vel ijs omnibus, quæ ad bellicam facul-
tatem spectant scientijs, utique tuo nomine, tuoq; acutissimo (ut ve-
ra fatear) ingenio dignis, circa quas sic apprimo te exercitatum esse
compertum est, ut formidet sagax quicunque miles, seu cohortis præfe-
ctus, siue architectus, vel quantumuis in regendis ciuitatibus instru-
ctus doctor, qui de ijs te præsentè (Polemarche dignissime) sit verba fa-
cturus: plurimi tamen faciam, si hoc quandoq; tantum apud te valere
intellèxero, ut vel paululàm beneuolam memoriam mei tibi de-
ditissimi refricare possis. Faxit Deus, ut diu, &
saluiter viuas. Vale.

BENE-

BENEVOLO LECTORI

Salutem dicit.

NON modo mitis humano generi Natura fuit, rerum etiam (si dicere liceat) plusquam par esset munifica. Nam cum inter morales pauci admodum contra pestifera cupidinis stimulos niti audent, sic illa pectora & mentes hominum inuasit, ut a- que hys ac regina dominetur, imperetq;. Hinc fit, ut nemo sua sorte contentus vinat, sed alius alium iugiter opprimere nitatur. Quare mœnia, castra, arces, innumeraq; armorum genera quisq; struere capit. At multorum versuta mens hominū, vsq; prona magis in res improbas, ac immanes etatem agere, quam in officiosas, ac honestas, se ipsam exercere, nouum aliud, ac (inter cetera, quæ hac ætate sint cognita) perniciosissimum armorum genus excogitauit, quod Sclopertum appellatur, hoc (inquam) cum antiquis scriptoribus cognitum nondum fuerit, vel propterea quod speciale esset de eorum vulnerum curatione scribere potuere, quod hercle diu imperitis chirurgis, & (quod magis molestum fuit) miseris patientibus, negotium facessisse censendum est: quod erroris genus facile subterfugi poterat, si qui ante ætatem nostram fuere Medici, in scriptis Aristotelis, Hippocratis, & Galeni sapius insudassent, à quibus, & nos, & quoscunq; artem Medicam facit are delectabit, & dogmata decerpere, & curandorum omnium morborum methodum, & causarum inueniendarum modum perdiscere oportet, licet singula, quæ nobis euenire possunt, non enumerarint, ut quæ ratione vulnus curandum sit, quod cornu bos intulit, & aliud, quod pete, quoq; modo quod ab ebore, buxo, siue marmoreo lapide, aut (si malū) quod à quadriga thémone sunt effecta. Scientiarum porro nulla in hunc modum exponi solet, trigonum rectilineum omnem tres duobus rectis æquivalentes includere angulos: item & quoscunque in eadem circuli portione super arcum constitutos inter se pares esse: siue in marmore, vel are, vel alia quauis materia fuerint constituta, profert, intelligitq; Geometra, nulla earum rerum, quibus formati vnacunaq; figura potest, memoriam produita. Non secus Physici scripsere, quum quæcunq; causata propter sua principia magis valere, vel homogenea esse nutrienda, cum hys, quæ nutriunt, protulerunt: sub silentio prætereuntes in quibus hæc omnia euenire possint. Nam hæc scribere insipientis erat, futiliaq; quæquam ab imperitis, ac rudioribus frequenter exoptentur, quibus medius fidius scripta relinquere præsci-
pua-

*pietates non putarunt, sed ipsi, qui (cū iudicio polleant) & mente, & opera,
 universalia rectè particularibus accommodare conantur, qua via nos hoc ge-
 nus vulneris, de quo nunc tractare suscepī, curare didicimus, nec non alia,
 quorum curam, si nostris institutis arriserint astra, & gratum pluribus
 sapientibus fore hoc nostrum opusculum intellexero,
 exponere parabo. Valete.*

DE



DE CVRANDIS VVLNERIBVS SCLO-

pettorum.

AVTHORE LEONARDO BO-
tallo *Affense Medico.*



QUOD tota oratio clarior reddatur, primò quid sit genus, quod intendimus, describere cōueniet, deinde quo modo finem optatum assequi possit Medicus, Chirurgusue, qui rem tractabit, exponere, non dissidēdo à samigeratorum scriptorum scientia, non antiquorum modò, verum etiam recentiorum, vbicunq; illam ratio comitabitur. etsi quicquam boni in hoc genere à nobis inuentum sit, (quod non minimum fore existimamus) adiiciendo, omiſſa omni animi gloria, ac tantùm tuendæ veritatis desiderio motus, patientibusq; occurrendi, vbicunq; ars prodesse poterit. Dicimus igitur subiectum nostri negotij esse, vulnus cum contusione, laceratione, ac sæpius cum ossium fractura, à sclopettorum glande factum. Verùm antequam vltius progrediamur, cùm inter scriptores Neotericos, qui de hac re ex professo tractare suscepērunt, nonnulla sit de puluere huius instrumenti disceptatio, dignaque discussione: non erit opere indignum, circa eam paululum laborare. Dicunt autem aliqui, puluerem hunc venenosum non esse, alij sœuientes negant, argumenta frangunt, & contrariam opinionem leuioribus medijs fulciunt. Quare scrutandum erit, quisnam in hoc negotio melius senserit. Nam errantium alius ex falsis falsum, & alius ex falsis aliquid vericondidit, inter quos Alphonsum Ferrum, & Ioannem de

Vigo.

Vigo in medium ducimus. Hic principijs falsis vtitur, cūm puluerem, ac eius medio vulnus illatum venenosum dicat, ac vltum: curas verò quodammodo principijs suis contrarias, vt facillè indicare poterit quisquis cum iudicio eius scripta legerit. Alphonfus & falsum concludit, & falsa posuit principia, sibi ipsi sæpius contraria dicens. Puluerem enim & glandem ab eo proiectam, venenosam esse, ex cōsequenti & vulnus: ostendit autem id (refert) eius compositio, con-

Alphonfi
ratio.

stant ex sulphuris parte vna, nitri partibus decem, carbonis parte vna, sulphur ad quartum caliditatis gradum accedēs, nitrum ad finem secundi, ex quibus constat totum compositum, quarto caliditatis gradu detineri. Hæc Alphonfus. Quis (quæso) iudicij tantum expertus erit, qui dicat decem partibus aquæ mediocriter calidæ, vnicam binasque feruentis, si addideris, totam miscellam feruentissimam reddi? Certè neque Aristoteli, neque Auerroi, neq; Galeno, neq; alicui sapientum authorum, neq; rationi, minusq; sensui arridet hæc sententia, imò feruentissimam feruentissimæ, si addamus, totam miscellam feruentissimam dicimus. Sic si calidum in quarto calido, in quarto addas, in quarto calida erit miscella, & omnino frigidam æquis portionibus feruentissimæ si addideris, quis medium ex his conflare negabit, quod temperatum dicitur? Et feruentissimæ si decuplum mediocriter calidæ admiscueris, hanc aliquantulum reddes magis calidam, illam verò minus. Quo modo igitur fatendum erit, puluerem hunc attingere quartum caliditatis gradum, si partium nulla ipsius illuc accedit, neq; novam aliquam formam ab ea, quæ misti est, acquisierit? Sed detur quòd illuc attingat, neq; ex hoc deducet venenum fore: ferrum namque candens, flamma, viuacesque carbonēs, piper, piretrum, & similia venenum diceremus. Sunt quidem venena omnia in se lethifera, non hercle vice versa, quicquid lethiferum, illud & venenum est. Alia ratio

Alphon-

Alphonſi. Argumento etiã ſunt eius artifices, qui confectionis tempore ab acrib⁹ abſtinent, vt cæpe, allium, & cætera⁹⁹ huius generis, & experientia autẽ (& ſi cauſam ignorent) ea⁹⁹ ſibi obefſe cognouerũt. Sed qd dicemus de hoc genere medij, nunqd venenoſitatẽ probet aliquam pulueri meſſe? Ab⁹⁹ ſit. Imò caliditatem. Nam vltra calorẽ, qui motu augetur, cibis item acrib⁹ altus artifex ſanguine calidior ſpiritibusq; redditur: qd ſi tundendo acria, eorum ſubtiliſſimum polli-
nẽ in pulmones traxerit inſpirationẽ, nemo eſt qui magis eas partes caleſceri neget, ex conſequẽtialẽ ſionem aliquã ſequi poſſe cuius cauſam ignotã eſſe inconſultò dicit. Deinde vt magis ſuam roboret opinionem, putrefactionem, mor-
dicationem, roſionem, vlcerationem, & corruptionem eſſe⁹⁹ venenum comitantia propria ſymptomata affirmat, ac ſi⁹⁹ putrefactionem non faciat prohibita tranſpirationo calido-
rum & humidorum humorum, vel alterius particulæ putridæ continuïtas, vel contiguitas, vt in putridis vlceribus perpetuò videmus, & alia præter hæc multa vel non mor-
det, rodatq; bilis flaua, ſi ad vlcera feratur, vel mel, aut æris flos, vel aliud quippiam ſimile, ſi apponatur, vel hæc eadem bilis, & atra non vlcerent, non corrumpant, ſi in aliquam partem abundanter corruant. Ecce quã bene hæc veneni propria dici poſſint, quum ea ad bis mille alia ſequi poſſe ſit compertiſſimum, & ad hoc, quod genus veneni dicit, nec ſemper ſequantur, nec vt plurimum ſubiungit. Sed⁹⁹ quorum gradum veneni habeat hic puluis, ſive à tota ſim-
plicium compositione, à qua provenit, formam, quam ſpe-
cificam dicimus, non autem quia calidus neq; ſiccus, ſed⁹⁹ quia talis ſit, ſeu viſ ea ab euidentibus facultatibus prodeat⁹⁹ (vt dictum eſt) ignoratur, perpetuoq; (vt exiſtimò) ignora-
bitur. Sed & hæc quis non videt inter ſe pugnare? Dicere⁹⁹ ſcilicet effectum aliquẽ ab aliqua poſſe euidente cauſa pro-
venire, quæ tamẽ occulta nondum in lucẽ proditura ſit.

Præterea nunc dicit. Non quia calidus & ficcus, sed quia talis: ac si supra non conatus fuisset ostendere compositionē hanc venenosam esse, quia ad quartum caliditatis gradum accedere existimabat. Quantum igitur leuitatis habeat totus eius sermo, satis patere existimo legentibus, quia rationabiliter attem tractant, ac quā debiles, à scopo quē aberrantes sint eius rationes, & alij præter me norunt, vt ipse in suo corollario in fine eiusdem operis annexo, vbi etiam frigidissimè aliquibus argumentis contra cum factis responderet, accidentia quæ huic morbo propria esse existimat, allegando. Præterea & venenum veneno esse remedium, de scorpione exemplum afferendo, qui proprio morsui sit remedium. Quis (quæso) aded ingeniorudis erit, qui veneno scorpionis eodē veneno succurrat? Oporteret iterum siquidē pun gere, & guttam veneni reiaculari, vt scorpius lædendo agit, si venenum eodem veneno curare vellemus. Scimus enim & rosam puncturæ propriæ spinæ esse remedium, non tamen si eadē spina repupugeris curabis. Quis iterum viperarum morsum, morsu reiterato sanare tentabit? & tamen illarum pinguedo, & ex ijs confectum medicamentum theriaca dictum, præstantissima sunt remedia, veruntamen reiectis extremis, in quibus magis viget venenū, media verò earum corporis parte sic bene ac diuturnè lota, concocta, ac cum aromatibus confecta, vt nullum penitus præ se ferat amplius veneni vestigium. Sed ijs omiſſis, rationem aliquam (si habeamus) in medium ferre tempestiuum est, ne nos nudis affirmationibus sententiam nostrā fulcire quicquam existimet. Inferamus igitur primò, ac vt axiomata ponamus nonnullas Philosophi propositiones. Naturam scilicet dare tantum de consequentib⁹ formam, quantum de ipsa forma. Item quando commistilia potentijs adæquantur, tūc vtrunq; transmutatur in dominans ex sui ipsius natura, nec generatur alterum, sed medium commune.

Præterea quæ miscentur adinnicem, corrumpere intentiones necesse est, non tamen in omnino alienas, contrariasq; transmutari. Item idem, & similiter se habens, semper natum est facere idem. Abijs dicamus, venenum esse, quod facultate propè occulta naturæ humanæ sic contrariatur, vt quantum vis paucum, vel ore deuoratum, vel odore perceptum, vel externis partibus amplitum non possit vlllo modo concoqui, alterari, nec expelli, sed parre potius coniunctam sibi corrumpere, reliqua;q; circû iacentes ex consensu afficere tentans, donec totum animal sit extinctum: nisi virtus patientis valentior sit, aut alexipharmacis occurratur. His positis lucidissima erit sententia nostra. At quum debeat quicunq; cupidus nosse naturam alicuius rei, primò scrutari naturam eorû, ex quibus illa componitur, videndû erit igitur qd veteres scriptores sentiant de partibus huius misti, deinde vtrum ex mitione, vel potius extransmutatone eorû, vel alia causa quicquam venenosi sequi possit, perferutabimur. Sulphur (inquit Dioscorides) optimum existimatur viuum, quod apyron vocant, nitedulè modo splendidum, perlucens, minimè lapidosum. Probatum in genere sulphuris ignem experti, quod viret, ac præpingue spectatur, plurimum in Melo, & Lipara gignitur. Supradictum sulphur calefacit, discutit, & celeriter concoquit: prodest tussibus, suspitiosis purulenta extussientibus in ouo sumptum aut suffitum: præterea partus vsti nidore extrahit: lepras, lichenas, scabros vngues, cum resina terebinthina mistum auferit: cum aceto autem illirum ad lepras efficax est vitiligenes tollit: scorpionis ictibus, addita resina, medetur: cum aceto verò, draconis marini scorpionisq; plagas sanat. Pruritus toto corpore erumpentes, cum nitro detestum, sedat: regium morbum emendat inaspersum stonti cochlearis mensura, aut in sorbili ouo sumptû. Facit ad grauedinè, & destillationes: sudores quoq; conspersum inhibet.

*Veneri de
scriptio.*

„ podagricis, cum aqua & nitro illitum, conducit: granita-
 „ tem auditus, suffiti nidore raptim per fistulam hausto, sa-
 „ nat: lethargicos suffitu excitat: erumpentem vndecunque
 „ sanguinem sistit: contusis auribus, cum vino, & melle me-
 „ detur. Præfertur nitrum leue, roseo colore, aut candido: in
 „ foramina dehiscens, perinde quasi spongiosum quiddam,
 „ quale ex Bunis affertur. Humores euocat, qui in alto con-
 „ creuerunt: spuma nitri optima esse putatur, leuissima, gle-
 „ bosa, friabilis, colore penè purpureo, aut spumosa, & mor-
 „ dens: qualis ex Philadelphia Lydiæ defertur. Secunda est
 „ Aegyptia. Quin & in Magnesia Cariæ gignitur. Vim & vtili-
 „ onem salis habet, tam nitrum, quàm spuma eius. Præterea
 „ nitrum tormina sedat, si tritum cum cumino bibatur, in
 „ hydromelite, aut sapa, aut aliquibus, quæ inflationes discu-
 „ tere possunt, vti ruta vel anetho. Febribus circuitu redeun-
 „ tibus illinitur, ante suspectam accessionem. Miscetur em-
 „ plastris, quæ extrahunt, & discutiunt, extenuant, & lepras
 „ abstergunt. Cum aqua autem calida, aut vino infusum, in-
 „ flationes, purulentas aureas, & sonitus earundem sonat: sor-
 „ des expurgat, cum aceto instillatum. Canum moribus ex
 „ asinino adipe, aut suillo medetur: terebinthinæ admistum
 „ furunculos aperit: aquæ inter cutem cum ficu illinitur: ocu-
 „ lis ad claritatem visus cum melle succurrit: & venenis fun-
 „ gorum ex posca potum: aut si buprestis momorderit, ex a-
 „ qua: ijs verò qui taurinum sanguinem biberint, ex lacerpi-
 „ tio, ijsq; , qui cibum non sentiunt vtiliter obducitur: opi-
 „ sthoronisq; iam remissioribus & luxatis, cum cerato: in re-
 „ solutione linguæ, pani commodè permiscetur. Aliqui su-
 „ prædicta carbonibus vrunt, subiecta priùs testa noua, donec
 „ incandescant. Hæc de Sulphure, & de Nitro Dioscorides,
 „ quæ ferè omnia eodem more Galenus, Aëtius, & aliorum
 „ plures recitât. In quibus patet nihil venenosi esse, non mo-
 „ dò extrinsec⁹ applicita, verùm nec ore deuorata, nec odore
 petepta,

percepta, sed neq; in carbonibus canabinis, salicis, vel iuglandum, qui in hac mistura componuntur. Hos enim uero videmus sæpe pueros, & prægnantes, & pica laborantes edere, non tamẽ veneni more efficere. Similiter & horum in vulneribus applicitus pulvis exsiccat: & nos quandoque eam vtilitate ægrorum experti sumus, vbi aliorum inuendendorum medicamentorum eiusdem potentia non datur facultas. Sed nec dicemus vino venenum inesse, vel aquæ ardenti, vel aliquibus similium, quæ pro humectanda compositione adduntur, minus hercle vasi, in quo tunditur: nam id per se manifestum est. Sed nunquid mistionis ratione (vt Alphonsus etiam profert) aget fortasse mistum quicquam omnino diuersum facultatibus suarum partium? Non quidẽ, sed remittuntur, obtundunturq; misti partium potentia adinuicem, si inter se diuersæ, contrariæque fuerint (vt suprà diximus,) mistis autem contingit, inter se æqualiter, proportionaliterque agere, vel pati, ita quòd aliqua media qualitas, vel inæqualis inter æquales contrarietates proueniat. Præterea & sensui compertissimum est, si in vulnerib⁹, vel casu, vel consilio modeste apponatur, non modò more veneni conficere, sed medicamenti facultate exsiccare, abstergereq; (vt idem etiam attestatur Alphonsus.) Si igitur ratione mistionis per se non probetur Alphonsi, aliorumq; eandem opinionem sequentium intentio, relinquitur vt hæc transmutationi (vt Alphonsus, qui illam fulguri comparat) adscribatur: verum neque hanc illud præstare posse asserimus. Nam quum causata eodem modo necessitatis cõsequantur suas causas in rebus generalibus, ac in rebus æternis, grauioribus igitur mediusfidijs symptomatis cruciarentur eadem flamma vsti, quàm qui alijs ignibus, vel quàm qui vulnera vi eiusdem pulueris suscipiunt: quantò vtique valentior est agens & actio, & quæ ad ea sequuntur, tantò valētiora esse debent in eodem passio.

Vir fortis vno ac minimo digito centum si leuet è solo libras, quid obstat, quòd ducentas non leuet, si tota manu, maiore vi ac diligentia fiat. Membri igitur affecti tumiditas, inflammatio, corruptio, aliq; similia symptomata, venena comitantia, flamma huiusmodi pulueris vltos (si venenosa est) vehementius curnon affligunt? Sensus enim omnium demonstrationū potissima sententiarationibusque nostris quantum faueant, patere satis exillimo ijs, qui in arte medica non mediocriter sunt versati. Id nempe perpetuò obseruaui, cum in bello innumeros, vel tota facie, vel manibus, vel cruribus, alios simul cum ijs, & ventre, vel tergo vltos conſpexi, quos nihil immitiùs vrgebat his, quos alia flamma flagrauerat, data affectus paritate. Sed de his vltis superq; quàm satis est dixisse videbor, cum planum fecero, quid & Alphonsus ac reliquos eandē opinionem sequētes à veritate declinare fecerit. Decepti, me hercule, sunt non signum pro signo accipientes, ac qui debili visu, vel longo interuallo intuentur, asserunt ignem alicubi existere, vapores pro signo ostendētes, quos fumum esse crediderunt. Similiq; modo Alphonsus, ac alij nonnulli gangranam cum viderint paulò frequentius homines sclopettis vulneratos afficere tanquam affectum magis compositum quàm qui mucrone, vel spiculis, in hanc statim sententiam lapsi sunt, non cernentes gangranam, & reliquorum armorum vulnera: luxationes, contusiones, simplices fracturas, compositasq; sequi, & per se quandoq; excitari, per se dico, si nullam habeat extrinsecam causam. Ac sēpissimè vulneratos sclopettorum glande non inuadere: quod utiq; non fieret, si venenosus esset. Nam à causis, quarum natura est eadem, & non differunt, nisi secundum magis & minus, non sequitur nisi vna natura diuersa secundum magis & minus, sic vt causæ diuersæ in quantitate causata habeat diuersa in quantitate. Sēp̄ igitur aliquod illius veneni vestigium

stigiam præ se ferret vulnus, mitius, vehementiusue, secundum causæ efficientis potentiam. Verùm hîc non sic se res habet: innumeros enim curavi, cùm chirurgiam manibus proprijs exercerem, ac ijs plures (postquàm alias medicinæ partes factitare cœpi) curare iussî non aliter ac vulnèra contusa, nullo habito ad aliquod veneni genus respectu, & quidem vt plurimùm foelicissimo cum successu. Non aliter etiã à prædicto modo errant (hallucinatione scilicet) vulnushoc asserentes esse vstum, quum tantum tepeat glans, aut calore hæc non multo teporem excedat, dum vulnus infertur. Quis (quæso) glandem in parietibus proiectam, quæ statim præhensâ vrere manus fassus est? Sæpe quidem hoc probavi, nec vnquam vrere sensi, non quidem in instatiglandis tantus calor dissolvitur: paries enim illam non modò calore exuere debuit, sed calidiorem reddere. Solidorum enim corporum concussio vehemens quis generare ignem sæpius nō videt? Si malleum malleo fortius concuties, vtrumque calciesci quis non spectat? Qui igitur in hanc ducuntur sententiam, peccarunt fallacia posirionis, ponentes (vt de veneno diximus) non signum pro signo, carnem scilicet contusam, corruptamq; pro escchara, crusta dñe, quæ ignis vi fieri solet, ac si sic dictetur eorum ratio, crusta est, ergo ab altero igni, ergo ab actuali: nam actu calida est glans. Sed claudicat hæc ratio omnino, cū escchara non sit. Plures quidem curavi, fatētes se nescisse à principio esse vulneratos, etsi glandē in membro ferrent, non perturbato ferè eorum animo. Hos siquidē maximè vrere debebat, ac ardore cruciare: non enim sine magno sensu, per aliquod temporis spatiū (si crustam facere potis est) glans insisteret. Sed & etiã hoc crustæ genus, ad ea, quæ ex glande terrea à ballista proiecta, vel aliqua alia vehementi contusione fiât vulnera, sæpe, ac ferè semper, sequi vidimus: non diuerso modò dico, & quæ à glande sclopetti, etiã si carnem non

contingat : ex quibus hercle aliquot quidem habuimus, nostræ curæ, nostroque consilio submissos, tale vulnus patientes, vt glans quandoq; cute infracta, quandoq; verò in profundum caligarum pannum, & subuculam introferret, nemine horum fracto. Similiter & in brachijs, varijsq; alijs corporis partibus vidi vulnus patientes profundum, non la ceratis vestibus, sed ijs simul cum pila carnem intransibibus, nullo relicto vstionis signo in pannis ipsis, putrida tamen caro (quam escharam ab igne factam inconsultò esse volunt) perpetuò apparuit. Ex his enim plures ad opem nostram confugerunt, vnum tamen inter alios pro fide recensebo. Magnificus dominus Bertuillæ Præfectus cohortis Gallorum peditum, perpeßus est anno præterito vulnus in brachio sinistro ad sex digitos supra cubitum, ad ossis vsque regionem delata glande in diploide ex lino cõfecto, & subucula inuoluta nulla iniuria ijs relicta, quæ vel laceri, vel vsti aliquam speciem repræsentaret. Statim tamen ego Lucio Montano Calliensi, iuueni sanè studioso, & erudito, qui tunc temporis meo consilio Chirurgiam tractabat: & Chirurgo domini Polemarchi, illustrissimi domini mei (ambo enim curæ interfuerunt) prædixi, (quo animo in re tam manifesta non penderent ancipiti) vt animaduertent futuram esse escharam, quam igne productam reprobandur, etsi ignis nullum adesset vstigiũ, vt intelligerent illam esse carnem contusam, non vstam, quæ sic apparuit, non secus ac in reliquis vulneratis apparere solet, quæ præterea virum rationali nostra cura ordinata, adhibitaque paucis diebus sine labore ad sanitatem reduximus. Sed circa hæc satis superque dictum sit, ne nos opus suscepisse contradicendi gratia, alicui censendi ansam demus, quod omnino semper abhorruĩ, nisi vbi me tuenda veritatis stimularet cupido. Ad institutum igitur omni ope atque opéra accingamur.

De modo curationū. Cap. I.

CVM nemo affectum hūc non secus ac reliquos graues tutò curare possit, nisi qui cum experientia naturalem calleat Philosophiam, circa quam nempe admodū pauci, qui Chirurgiam pertractant, versantur, fatendū erit, huiusmodi artifices non rarò (etsi parui quandoq; momenti sint affectus) grauius errare, in pluraq; periculi genera incurre. Quò igitur hos ab errore eripiamus, ac ægris opem feramus, methodicam in hoc genere morbi curam præscribere toto pectore excogitabimus. Hæc primò ablatione extraneorum, mox deperditorum restauratione perficitur. Extranea appello non tantum quæ extrinsecus adueniunt, sed quæcunque nostræ naturæ contraria aliquo modo sunt, vt glans, ferrum, lignum, pannum, & similia, imò etiam quæcunq; ab ipsa natura conseruari non possunt: ex horum genere sunt ossa fracta, caro contusa, vel lacerata, sanguis extrauenatus, pus, & reliqua huiusmodi, quæ licet antea partes vel particulæ nostri corporis essent, tales tamē nunc non sunt, quare & hæc ablationem desiderant, quam quomodo præstare tutò possis, explanemus.

*Cura quæ
bus perficiatur.
Extranea
qua.*


De extraneis auferendum. Cap. II.

Quantum igitur id, quod ad auferenda extranea pertinet, Chirurgum & ingenio præditum, & experientia comprobatum desideret, sæpius cum graui iactura experiuntur ægi, ac cum pudore corū plures, qui etsi artem non calleant, Chirurgi tamen dici volunt, hanc artem nulla ratione, nullaq; experientia comitati profitentes, ac millies in errores grauiissimos incidētes propter eorum ineptiam: quare neq; ab erroribus abstinēt, vt qui in fracturis phlegmones excitant, propter ligaturarum structuras, nec illas soluunt, causam ignorantes, aliunde remedia aucupantes. Hoc more errare solent imperiti Chirurgi in perquirendis;

Cc aufe-

auferendisq; extraneis, necnon in membris impiè tractan-
 dis, statim vulnera ampliantes specillis, digitisq; nullā ha-
 bita consideratione de parte, deq; totius corporis habitu,
 perueffigando, mouēdo, lacerando, pungēdo, secādo, con-
 tundendo, comprimendoq; vnde plegimones sæpe excitantur,
 venæ rumpuntur, dolores ingentes inducuntur, ac varia
 alia symptomata, ac morbi, quæ omnia sæpius ad se curam
 conuertere cogunt, principalem ferè affectum spernere vr-
 gentia: quod non contingeret in pluribus, si vel rectè trācta-
 rentur, vel Naturæ saltem beneficio relinquerentur. Cen-
 semus propterea, neq; omne vulnus ampliandum, nec om-
 nia extranea remouenda, nec cōtraria parte semper ape-
 riendum, vt plures ineptè fecisse, ac pluries indies facere vi-
 demus. Sed quæ, quando, & quomodo isthæc præstare o-
 portet, nunc compendiosè dicemus. Extranea propterea
 extrinsecus aduenientia auferenda esse cōiectim existima-
 mus, quæ ægrum in grauiora pericula inducere valent. Si-
 militet illa, quæ sine iactura & magno dolore educi possunt
 Graue periculum expectandum est, si glans comprimendo
 neruum aliquem grauioribus doloribus ægrū infestet, vel
 si circa alicuius ventris regionē fuerit, capitis pūta, vel tho-
 racis, vel inferioris ventris, & suspectum sit, ne infuturum
 penetret, & hoc, si commodè fieri potest in prima cura, mē-
 lius est, quàm differre. Hoc maximè deglande dico, quo-
 niam hæc propter pondus variat situm, sic vt commodè
 postea inueniri non possit. Animaduertendum tamen est,
 ne attētus huic officio, sanguinis sit nō levis aliquis fluxus
 quo patientis vires destituātur: quod sæpe contingit in ma-
 nibus empiricorum malorū. Sistere igitur prius hunc labo-
 randum est. Si autē ad sit ossium fractura, ac eorū squammæ
 aliquæ sint periostijjs denudatæ, quæ sine magno dolore au-
 ferri possint, educa: aliter, sinas. Nam Natura illa ad exi-
 tum postea facilitabit, & glans similiter propter pondus in
 cura

cutaneam partem aliquam descendet, vbi sine noxa im-
 pterum educi poterit. Educuntur instrumentis ad hoc mu-
 nus aptis, rostro scilicet appellato gruino, vel coruino, aut *Extraneis*
 captorio alio quopiam simili, secundum quod vulnus, & *quibus e-*
 materia extrahenda postulant. Forma autem eorum, qui- *ducenda.*
 bus nos vtitur, hæc est: quæ ad omnia vel glandes, vel



ossa educenda, commodissima experieris. Instrumentum
 autem Alphonsinum omnino inutile est: aliud verò, quod
 ad glandines tantum extrahendas, iam ante Alphonsum
 fuit

*Quæ vul-
nera dila-
tanda.*

fuit inuentum, ex cannula ferrea, in quam stylus tortus, acū-
tusque ad vitis (vt dicunt) formam immittitur, qui in pi-
lam inferi debet, hoc etiam (inquam) inutilissimum est, &
maximè noxium. Rarò vulnus dilatandum est ferro, nisi ac-
ceptum illud sit in capite cum dubio de cranei fractura, vel
cùm sub cute tantum percurrit glans (& hoc potest contin-
gere in reliquis partibus corporis, quod diuerso modo ab
hoc non est tractandum) sic vt cutis illa sit interitura, vel
cùm pila thoracem, aut inferiorem ventrem insitens, per
propriū vulnus educi non possit, vel si in inferiore ventre
fuerit, ex quo intestina exeant, quæ fomentis, & alio inge-
nio intromitti nequeant: alio autem modo rarò contingit,
esse vtile vulnus dilatare. Contraria parte vulnus aperien-
dum est, si glans cutaneam ibi se ostendat, impotēs per pro-
priū osculum educi, vel si ea pars declinior sit, ac nō pro-
funda multum, in qua pus detineatur, aut incommodè per
vulnus principale expurgatur. De his autem quæ partes, vel
particulæ corporis fuerunt, auferendis, si digitus, vel pes,
manus brachium, vel tibia taliter sint fracta, cum carnis, ac
vasorum laceratione multa (quod sæpe magnæ bombardæ
facere solent) sic vt de horum membrorum vita, nulla sit
amplius spes, illicò illa amputanda esse censeo. Si autem a-
liquid sit de vita sperandum, salutis horum consulere niten-
dum est. Quod si deinde illa vita destitui videris, ad sectio-
nem statim confugies. Idem dico de carnis, neruorum, ten-
dinum, ossium, vel similium frustulis. Sanguis extrauena-
tus, pus, & similia, eo modo educuntur, vt pus in cauis vlce-
ribus, vel sanguis ex alijs vulneribus educi solet.

*Quando
contraper-
tura faci-
enda.*

*Membra
quæ ampu-
tanda.*

De restauratione perditorum. Cap. III.

QVoniam de perditorum restauratio vt plurimum ac-
ferè omnino beneficio Naturæ subijcitur, carnem
scilicet, sanguinem, ac reliquas partes regenerare, easdem
glu-

glutinare, cicatricem inducere, vimq; deperditam restituere, Chirurghi propterea, ac patientis munus erit (vbi seipsa non sufficiat) illam in proprio habitu conseruare, vel ab eo inclinatum ad eundem (quo ad fieri potest) reducere. Et hoc non modò de affecta particula intelligendum est, sed & de vniuerso corpore. Impossibile enim est principalium membrorum inesse affectum, qui reliquis partibus, quibus ministrant, non communicetur. Nam si vniuersum corpus intemperatum sit, quomodo particulam temperatam vel seruabimus, vel ad temperiem reducemus? Quod nisi fiat, quomodo deperdita restaurare poterimus? ægrè utiq;. Sed quoniam principalium partium, totiusq; corporis curam habere, Medici physici est opus, sermo verò noster vt plurimum de partibus affectis extrinsecis sit, de his igitur quomodo in propria temperie conseruentur, vel restituantur, si in contrariam lapsæ fuerint, tractabimus, cum nouerimus primò causas temperaturas transmutare valentes.

De causis transmutantibus partes. Cap. III.

CAusæ autem transmutationis naturæ affectæ partis ab ipso vulnere, sunt intemperies omnes. Has inducunt fluxiones; vt plurimum malignorum, aut multorum humorum, has potissimum dolores consequuntur, strictiones partium, earundem frictiones, situs, vel decliuis, vel molestus, supercalesfactiones omnes: immoderatus autem calor varijs modis excitari potest, tum his omnibus, quæ suprà diximus, tum rebus, quæ vulneri imponi, & circumstanti parti applicari, & possunt, & solent, vt excedentibus linteorum munimentis, vel somentis, vel emplastris calescere per se potentibus, vel humores sua viscositate, vel crassitie, vel multitudine transpirare prohibentibus, qui per cutem emitti solent, vel acrioribus medicamentis sine ratione applicitis, quæ omnia inexpertis Chirurgis sunt admodum familiaria. Adhæc statim confugientes; ac si non esset con-

ualeſcentiæ ſpes vlla, niſi varijs vnctionibus, fomentis, emplaftris, ligaturis, lychnijs longis, craſſis, ac duris muniant, vel quod propriè magis dicam, onerent, moleſtent uè affectam partem. Præter hæc ſunt æris intemperies, motus, quæ aſſumuntur, & ſimilia, circa quæ omnia rationabiliter Medicum ſimul atque ægrum ſe præſtent oportet. Quinimò & Chirurgum, in his præcipuè, quæ ad ipſum ſpectant, ne ſcilicet plus, minus uè quàm deceat, refrigeret, vel caleſciant, aut alio quouis modo dolorem excitet, ligando videlicet, ſtringendo, cooperiendo, fouèdo, cataplaſmando, mouendo, vulneri medicamēta, vel lychnia, flammulas uè (vt dicunt) perperam adminiſtrando, quæ quomodo feliciter ad vſum reducas, omnia inferius diſcuſſa inuenies.

De cognoscenda & conſeruanda bona partiū temperie.

Cap. V.

ANtequam dicamus quomodo ſit conſeruandā bona temperies, ponemus primò ſigna, quibus cognoscipot. Nam propter huius cognitionis defectum, ſæpius errant Chirurgi, videntes ferè perpetuò parti affectæ, vel tumorem, vel hunc cum leuiſſima ſupercalefactione: quare metu compuncti, cataplaſmatibus, vnctionibus, ac varijs alijs non remedijs partem opprimentes in deteriorem gradum ægrum deducunt. Quum igitur corpore temperato videris partem affectam tumore quodam humili, molli, cum leuiſſimo, vel nullo rubore, vel dolore, & quæ excreſcentiam non ſuſcipiant primis diebus, in quibus magis viget morbi vis, vulnus quæ nullum cruditatis ſignum ostendit, ſcito temperiem partis non eſſe à ſua uatura tranſmutatam, ſic vt per ſe ipſam humorem facientem tumorem, vel leuē inflammationem, vel paruum dolorem excitantem non benè concoquat, ac excernat, tum per inſenſibilem tranſpirationem, tum per ſudorem, ac per proprium vulnus. Conſeruabimus igitur, ſi ægrum, ac affectam partem

tem

tem ab omni excessu tucamur, vulncriq; conuenienti remedia suo tempore applicemus, vt postea diffusius narrabimus.

De cognoscenda temperie partis transmutata, & curatione eius.

Cap. VI.

CVM verò tumorem suscipere vigorem videris, vel dolorem, vel inflammationem, vel aliud quodpiam symptomata insectum, sine vlceris decenti concòctione, vel singulari per se, vel aliqua, vel omnia coniuncta, scito naturam partis oppressam, & in transmutationis viam tendere, nisi iam sit, quæ ab arte celerem opem postulet: hanc enim curabimus, in proprioq; statu reducemus, contrariorum sanè rationabili, oportunaq; administrationem, alterando, reuellendo, deriuando, ac dissoluendo. Alterare intelligo, cum intemperiei siue ea cū materia sit, quæ sæpe apparet, siue sine ea, (licet rarò hæc in hoc affectu contingat) contrarijs remedijs applicitis oppugnamus, vt caliditati cum siccitate, frigidis humidisq; medicamentis, resistimus, puta aqua simplici lactucæ, & similibum succo: frigiditati verò cum siccitate, calidis, & humidis præstamus auxiliū, vt oleo simplici chamæmelitæ, amygdalino, anethino leuioribus frictionibus, fomentis ex aqua tepida, vel calida, & similibus, eò usq; his remedijs prosequendum est, donec constiterit intemperies, si ea sola sit: sed cum hæc rarò eueniat, isthæc pauca sufficiant. Si verò cum materia fuerint, repri-mendo, reuellendo, vel deriuando alterare tentabimus, vel dissoluendo, vt indicabit affectus. Et hæc quando, quibus & quomodo ratioe officies, propria capita declarabūt.

De percussione. Cap. VII.

REpercussio est humoris in aliquam partem fluxus remissio, siue repulsio: quæ maximè cōfert phlegmonibus, & quandoq; erysipelatis, in principio, vel donec viget
fluxio,

fluxio, vel vbi suspectum sit, ne fiant. Hac igitur causa vulneribus, contusionibus, fracturisq; omnibus in principio, ac statim, si id fieri queat, percussione applicamus. Nam ijs vijs multa est, cogendi humores in eam partem fluentes retrocedere. Vtimur tribus primis diebus, aut ad summum (si phlegmone non vergeat) quatuor. Quod si patientis temperies quadrata (vt dicunt) vel bene constituta fuerit, sat erit secundam non excedere, aut quartam. Nam si vel diutius, vel valentius, quam conueniat, refrigeraueris, vlcus crudū, & mali moris reddes. Nam ob id ignauis Chirurgis sæpe numero succensui, quorum alius ad septimum, alius ad decimum quartum vsque diem, nulla moti ratione ægros partem affectam vltra modum refrigerantes in periculum, ac non rarò in extremam perniciem ducebāt. Sat autem crit ijs vti, donec coctionis aliquid apparere incœperit. Sunt autem percussione sæpius reiteranda, non autem, vt in expertorum turba facit, imbibunt enim stuppas, vel pannos quàm multos in oxycrato simplici, vel in quo fuerint rosaceum, & ouorum albumina simul quassata, vel alia huius generis, & applicita per diem totam non amouent. Hoc siquidem cū calidum factum est, lōgè maiorem copiam humorum trahit, si diu supersistat, quàm quæ à principio sua frigidityte, aut adstrictione represserit, aut si non attrahit, occludit saltem vapores per cutem transpirare consuetos: quibus vi retentis, varia innumera, molestaq; symptomata sequuntur. Percussione autem quæcunq; refrigerant, similiter & quæ adstringunt: verū non omnia, quæ hæc præstare possunt, simpliciter conuenire asserimus. Cicutam, altercum, papaueris succum, & similia, per se applicata non laudamus: refrigerant autem plus quàm deceat. Chalcanthum autem, æris flos, & quæ sui generis sunt, yltra quod supra modum adstringūt, suo quoq; calore trahunt. Mediocriter igitur quæ refrigerant, vel quæ adstringunt,

sine,

*Quādo-
percussio-
tia.*

*Repercu-
ssio qua
modo.*

*Repercu-
ssio qua
& qualia.*

fine, vel cum leuissimo calore, summè laudamus. Sola frigiditate sua reperiuntur, aqua simplex frigide apposita, lactuca, cucurbitarum succus frigiditate ac adstrictione, sed minus, accrum omphacium. Adstrictione galla immatura, mali corium, & huius generis alia. Nunc de reuulsione dicamus.

De reuulsione. Cap. VIII.

Elegantissimè corpus humanum comparare possumus octogoni, vel decagoni, aut (si mauis) circulo, puncta aliqua intra se capiendi, à quibus si ad peripheriā vnde quaq; lineas dixeris, ac eas impermixtas intellexeris, vel etiam si mixtas communicantiam habere inter se, quamcunq; partem conspicias, sic ut à quocunq; puncto ad quemlibet punctum permeare possis, verum non æqualiter: non enim inter se sunt æquales lineæ. Præterea inter duos motus semper cadit quies, eoque more se habent superficies, ac partes nostri corporis, ad cerebrum, cor, & hepar, vnde animales vitales, ac naturales facultates habentur, simile (inquam) cum existat, inter partes nostri corporis consortium per nervos, arterias, ac venas, non difficile erit mente concipere humorum fluxum atq; refluxum per hæc vasa commodissimè fieri posse. Nam à cerebro procedunt nervi sensum & motum partibus ministrantes, à corde arteriæ vitales spiritus deferentes, ab hepate venæ sanguinem unicuique parti pro nutrimento partientes. Dicamus igitur nunc reuulsionem, quam Hippocrates antispasim vocat, in contrarium esse auersionem, ut à dextro in sinistrum, vel à supernis ad inferna, ab internis ad externa, & vice versa, ut pro exemplo, ab vno brachio ad reliquum, vel tibiam eiusdem partem, & sic vice versa, ut membri affectu positio indicabit. Hæc autem pluribus modis fieri solet, alia cum euacuatione manifesta fit, ut venæ sectione, vel alui eductione, vel vomitu.

*Reuulsio
quid.*

*Reuulsio
diuersi-
mode fit.*

D d

Alia

Alia siæ evacuatione sensibili: & hæc vel frictionibus fortioribus, vel balneis calidioribus, vel ligaturis frequentioribus, ac doloriferis. Sed cum venæ sectionem præstantissimè celeritimedq; reuellite didicerimus, nunc de ea primò dicamus.

De phlebotomia. Cap. IX.

Quare
phlebotomia.

Phlebotomia
qua
do.

Alphonfi
error.

Venam secate, est eam sic aperire, vt liberè sanguis exire possit. Quod fit in hoc affectus genere, cum vt retrahamus à parte affecti, tum vt corpore per eam inanito non facilis fiat ad eandem partem fluxio: magis siquidem parca redditur vnaquæque pars, cum exhaustum sibi pabulum percipit, quo antea abundare consueuerat. Fieri debet (si possibile sit) statim à prima curatione vulneris, nisi sit nuper à cibo. Nam eò tunc est expectanda cibi assumpti digestio. Et in hoc pareat mihi Alphonsus, si se grauiter errasse dixerò, qui tandiu phlebotomiam differre mandat, quod perniciosissimùm quandoque est in hoc affectu, si Hippocratis, Galeniq; dicta, ac rationem ipsam diligenter perpendamus, maleq; pro tutela suæ sententiæ Galeni dictum attulit, quod scilicet non sit aliquis diætum respectus habendus in sanguine mittendo. Nam (pace sua) Galenus in libro de sanguinis missione, illa retulit, de phlebotomia sermonem faciens simpliciter, non ad aliud quicquam contractum, & nono Methodi, vbi eadem ferè verba recenset, dicit, in quantum ea expectaretur pro febris remedio, quam tamen semper in principio magis laudat, inquiens: Optimum igitur factum est (quod nos semper in re quæque facere vidisti) statim non numero dierum, sed vni virium robori, in febribus eius generis attentum esse: quippe quod si seruatum est, non solum sexto, septimoque die, sed etiam sequentibus diebus sanguis est mittendus, cuiusq; faciendæ occasio in febribus non similiter attendenda est, ac ea, quam

quam in euacuatione, quæ per pharmaciam fit, operimur, quam recenset Hyppocrates in primo Aphorismorum: in hac autem humorum, vasorumque præparationem expectamus, in sanguinis missione non idem. Dicit autem Galenus in febribus sanguinem mittendum esse: quod si vel propter Medicorum inscitiam, vel ægrorum astantiumve timiditatem prætermisum sit, non obstare numerum dierum, quin adhuc sanguinem mittas, vel sexta sit, vel septima, vel alia quævis dies: melius tamen esse, si in principio mittatur. Præstitisset igitur mediusfidius, ut cum Hyppocrate, Galeno, rationeque ipsa dixisset Alphonfus, in omni vulnere magno, vel fractura, vel contusione vehementi, conferreà principio phlebotomiam, vel pharmaciam; vel vtrumque, vel aliquid, quod horum vicem præstet. Ea vena *Quæ vena secanda.* secanda est, quæ affectæ parti directè opposita est: ut vulnere in capite existente, ex cephalica brachij eiusdem partis, si ea haberi non possit, ex media: ex basilica, si neque hanc inueneris. Quod si hæc non pateat, ex reliquo brachio perquirito: in pedibus deinde, si ex his nulla manifestetur. Née reppertereat Hyppocratis dictum in libro de ossum natura, inquit: Operam dare oportet, ut quàm longissimè à locis, ubi dolores fieri solent, ac sanguis colligi, venam secemus. Nam hic longissimè intelligit collatiue ad partes, quæ affectui sunt continuæ. Nam solent plures homines dicere ab vrbe Roma Luterias usque, longissimum esse iter: verùm si ad Terram floridam, aut (si mauis) ad Taprobanam insulam comparaueris, nonne illud breuissimum nunciabimus? Quod autem sic se res habeat, ut dixi, particulares, vniuersalesq; Hyppocratis curæ nos ab ambiguitate eripiant. Si verò dolor ad clauiculā pertigerit, aut mō i festasset, vel brachio, vel mammae, vel partibus septē transuerso superioribus, grauitas, internam cubiti venam secare expedit, hæc in secundo acutorū. Cuius exemplo Anaxiōni

lateris dolore prehensus venam cubiti secavit, non pedis
 oppositi: hæc enim longissima pars erat. Et in libro de locis
 in homine, Angina (inquit) à sanguine fit, quum is in ve-
 nis, quæ in collo sunt, compactus fuerit: sic affectis, à venis,
 quæ in brachijs sunt, sanguinem detrahes. In libro de mor-
 bis, Rigor (ait) dolor, & febris per caput, maximè ad aurem,
 & tempora, & sinciput, & oculorum regiones: hæc cum sic
 habuerit, primùm sanguinem de capite mittito, vnde cun-
 que tibi visum fuerit. In libro de internis affectionibus, si
 coxendix (narrat) à sanguine fuerit, fomentum adhibeto,
 & cucurbitam affigiro, & venas in poplitibus secato. Ecce
 quomodo longissimam partem intellexit Hypocrates: alioquin hos omnes, & innumeros alios ab eo descriptos, in

Quantitas sanguinis. venas pedū, vel manuum phlebotomare oportebat. Quan-
 titatem eductionis morbi magnitudo, & vires (subijs a-
 tem reponimus) indicabunt: ad libram, vel binas, vnica vi-
 ce plus, minusue, vt morbus, virtusq; indicant, educere po-
 teris. Valere siquidem ingenio, & experientia Chirurgum,
 Medicumq; oportet, cum quantitas in hoc non secus, ac in
 reliquis rebus medicis, certa perfiniri in vnoquoq; non pos-
 sit. Si sanguinis euacuationem copiosam sufferre non pos-
 sit æger, vena secta digito osculum occludas, & per spacium
 aliquod temporis, pura per vigesimam horæ partem sic de-
 tinet, deinde digito remoto, & parum sanguinis educto,
 vncia puta, vel semuncia, iterum occlude: & sic per vices
 reiterabis. Nam hoc secundæ venæ genus retrahit plurimū
 ab affecta parte, cum minima (si lubeat) sanguinis eductio-
 ne. Hoc enim phlebotomiæ diuersiux genus, tutius est,
 quàm id, quod fit aperta vena, stricto, exilitie osculo. Nam
 in hac & adeps, & sanguis osculum obstruunt, vt sæpius, nec
 vnciam sanguinis educere possis. Phlebotomandi sunt &
 pueri à quadrien nio, vel triennio suprà, si motbus requirat,
 & habitus consentiat, & quanquam hoc genere vulneris
 pauci

*Phlebotomia creuul
 sua.*

*Pueri phle-
 botomandi.*

pauci afficiantur huius ætatis infantes, id in omni magni vulneris genere conuenientissimum esse censeo, maximè in capite si sit acceptum. Non me latet hunc locum pluribus garriendi ansam daturum, maximè inexpertis, & parum considerantibus, quibus præcipuum est incauté, & sine consilio cuncta pronunciare, autoritate tamen Galeni moti, infra quartumdecimum annum non esse phlebotomandum asserente. Sed quum sit contraria hæc nostra sententia Galeno, quem omnes meritorè colimus, cuiq; hercle omnem laudem, omnemq; venerationem in arte Medica debemus, eam propterea rationibus vacuâ relinquere non oportebit. Videamus primò quare Galenus ante pubertatem sanguinis missionē recuset. Est autem hæc, quod calidi & humidi sint ij, plurimumq; de eorū corporis substantia quotidie defluat. Nulla (quæso) lectores, occupet animos vestros amoris affectio, vel odij. Sapientis siquidem est, veritatem indagare, & inuentam toto nixu tueri, propriaq; impugnare, si vera non sint. Si igitur quia plurimum substantiæ à puerorum corporibus defluit, digeriturq; cum calidiores, humidioresq; temperie sint, non competit sanguinis missio, longè minùs debetur adultis, ætate consistentibus, senioribusq;: nam horum corpora ad siccitatem magis inclinant, ac quàm illa magis naturali calore destituta. Nam in pueris etsi multa fiat difflatio, humorumq; digestio, potentiortamen sit dissolutorum reparatio, ac noua adiectio. Ostendit autem id adolescentia ipsa: quare illo medio probare nemo potest, omnimodam sanguinis abstinentiam in pueris, si educationem requirat affectus: probabunt siquidem parciùs euacuandum esse. Præterea si insitam naturalem facultatem habent tam validam, tamque fortem, qui sit vt febriant sæpe, phlegmonasq; ingentes patiantur, & varia alia morborum genera, vel iam his affectibus obsessis, cur sæpe natura morbo cedit? sic vt eorum ali-

quis intererat, aliquis morosis ac diuturnis morbis diuexetur? Ab his si secare venam tanti dispendij & noxiæ est, qui sit, quod sæpius Infantibus sanguinem cum notabili quantitate erumpere videmus, sine malo affectu aliquo? Sodes, quis puerum quandoque non vidit, vel ab alto lapsum, vel aliquo solutæ vnitatis genere affectum cum alicuius venæ apertura, vnde hæmorrhagia sequeretur, & sine vitæ dispendio, & sine magno quopiam malo? Ego quidem annales, biennes, triennes, & super hos plures & vidi, & foeliciter curavi: quibus exemplis motus, vbi morbus indicaret, ac habitudo non repugnaret, quandoque venam secare pueris non dubitavi, tum in vulneribus, tum in magnis phlegmonibus, magnisque febribus, atque cum bono successu. Præter hæc & multis Medicis modernis familiare hoc genus remedij, in pueris esse scio. Hoc vnum tamen moneo, vt semper eum præmeditatione fiat. Commendatur autem præcipuè in magno vulnere, à quo sanguinis exigua quantitas emanauerit, vel in quibus phlegmones molesta sit: parcius tamen euacuando, quam ultra modum inanire. Nam quod defuit à principio, (si conferat) iterata euacuatione supplere poteris: non autem si multum euacuaueris, facile corriges. Nam qui semel exhaustus est sanguis, reponi amplius non potest. Verum in pueris phlebotomiæ vicem sæpius supplent ventosæ, frictiones, vel ligaturæ.

Per alium pluribus ingenijs avertimus, potionibus scilicet, clysteribus, balanis, vnctionibus. Conuenit autem quando phlebotomiam suffugiunt ægri: vel etsi hanc non abhorreant, vbi phlegmonem timeas, vel vbi tumor, vel dolor imiteant, vel si cacochymum cognoueris ægrotum. Etiam si dolore phlegmoneq; hic omnino vacet. Nam vbi sit cacochymia, pletthorica, vel primis, vel sequenti-

bus

bus

bus

*Purgatio
quibus co
ueniat.*

bus diebus, non effugiet patiens grauiā symptomata, nisi purgaueris, vel sanguinem miseris, vel vtrumque præstiteris, purgabis eadem die, si corpus fuerit cacochymum, præmissa tamen phlebotomia diuersiua, quæ per vires exiguam sanguinis quantitatem educes. Quod si vtrumque eodem die perficere non possis, purgationem in diem sequentem differas, vel tertium, vel quartum, vel subsequentes, si morbus exigat: præstat tamen primoribus diebus agere, prouisionis gratia, quam subsequenter curationis causa. Non enim in hoc casu expectanda est humorum præparatio, vt in febribus fit. Nam vulnere affectus sano corpore (excepta parte læsa) supponitur, in quo humorum concoctio, & viæ ad exitum paratæ faciliè indicantur. Conuenientius igitur in primis diebus administrandam effertur. Quod si post phlebotomiam, vel pharmaciam sequatur inflammatio, ex humorum scilicet malitia, vel multitudine, vtranque vacuationem reiterare, (si conueniat) non est pertimescendum. Extat autem quadam Hippocratis propositio, quam Medici quandoque contra meam sententiam recitare solent, dicens: *Quicumque inflammationes in morborum principio medicamento conatur sol-
uere, nihil de eo detrahit, quod acervatum est, atque in-
flammatum: quæ verò partes sanæ sunt, & morbo resistunt,*
simul eliquant. Sed pace horum ostendam, hanc sententiam non esse meo præcepto contrariam, sed eandem rationemque huic adstipulari. Non enim pharmaciam humorem facientem phlegmonem dissoluere intelligo, sed parum ad fluxum trahere. Sic & Hippocrates, non licet à pharmaciam omnino abstinendum esse præcipit, sed monet, ne conemur inflammationem in parte aliqua, existentem purgantibus medicamentis solvere: quoniam antequam purgatione retrahas humorem fixum, phlegmonem facientem, dissoluantur primò partes, à quibus primitus sit attractio,
necesse

necessum est, stomachus puta, venæ mēfaraicæ, & quæcun-
 que inter has, & affectam partem constitutæ sunt: vnde qui
 iam fluxus est humor, & parti affixus, ab eadem dissoluen-
 dus, educendusue est, vël ad vicinas deriuandus, non ad lon-
 ginquas reuocandus. Qui verò ad fluxum paratus est, vël
 fluit, nunquam ad cōtrariā incommodè retrahitur. Quòd
 autē (vt diximus) intelligi debeat Hyppocratis litera, non
 aliter ac explanauimus, & eius litera in loco proprio intelli-
 genti firmam fidem faciet: præterea & quæ in capite de phle-
 botomia recitanti, & reliquæ curæ ab eo scriptæ nos certio-
 res reddent, fidemq; firmam facient. Scribit enim secundo
 de morbis: Si erysipelas in pulmone fiat, tussis habeat, & sa-
 liuam expuat multam, ac liquidam, & cætera. Subiungit:
 Hic morbus maximè fit ex ebrietatibus, & carniū esu, &
 carniū mutationē, sed & ex alijs causis emergit, huic phar-
 macum deorsum purgans, bibēdum dato, & lac asininum.
 Et libro tertio de morbis, si quis leuem anginam, quam pa-
 rasynanchen vocant, patiat, huic venam secare oportet,
 & maximè sub mamma: concomitatur enim hac parte ex
 pulmone spiritus calidus. Oportet quoque deorsum pur-
 gare medicamentis, aut clystere. Item peripneumonia ta-
 lia facit, febris acuta tenet, & spiritum frequentem ac cali-
 dum respirat, &c. Addit: Aluum aut in quatuor aut quinque
 diebus subducere oportet, & hoc paulò amplius, quò & fe-
 bres obtusiores sint, & dolores leuiores. Adhuc in eodem
 libro, Pleuritis ad dorsum in tantum ab alijs differt, &cæt.
 Subiungit: At si æger biliosus sit natura, & non purgatus,
 correptus fuerit à morbo priusquam saliuam biliosam ex-
 puat, etiam bilem probè purgato. At in libro de natura mē-
 liēbri: Si inflammati fuerint vteri, sambuci folia tenerrima
 in tritici recentis crassiore farina coquito, & leuiter repida
 sorbēda dato. Et secundo de morbis muliebribus, Si ute-
 ri inflammati fuerint, menses obtorquentur, & reliqua.

Sub-

Subdit. Cùm sic habuerit, pharmacum infra purgans bibendum dato, & subdititius vtatur. Ex his ac pluribus curis, ab Hippocrate scriptis, nobisq; relictis facillè iudicare possumus, purgationes non spreuisse in inflammationibus, & in principio, & dum fluebat humor: est enim eousque ducendus peccans humor: quousq; exuperauerit, si vires ferant. Talis debet esse purgatio, qualem humores ostendunt: quibus colores similes efflorescunt. Nec sub silentio prætereunda est, quæ ex locis affectis sumitur indicatio: nam si purgationem capite, vel thorace vulneratis, quæ quoquo modo vomitum irriter, propinauerit, augebis affectum: secus autem, si crura afficiantur ab hac. Nec spernendas esse censemus, quæ à consuetudine, & ambiente sumuntur indicationes. Sed & in sanguinis exuperantia sæpe pharmacum conferre, & à senioribus didicimus, ratione deinde, & experientia comprobauimus. Præterea sunt qui vomere consueuerunt, quos abstinere omnino non consulo, si pars perinde (vt diximus) affecta non obstat, vt caput, thorax, & venter, quæ vomitu violenter agitantur, extendunturque. Hæc autem vulneribus semper noxia. Verùm cùm corpora purgare Medici munus sit, satis nos hîc obiter dixisse de purgatione existimamus.

De reuellentibus sine euacuatione. Cap. II.

Sunt quæ reuellunt, nulla sensibili apparente euacuatione, ligaturæ & balnea, ijs addidimus cucurbitulas, & frictiones: verùm ex mitius, is auxilijs tutò in omnibus corporibus vti possumus, tum antè purgationem, vel phlebotomiam, tum post, dum scilicet fluxio molesta, vel suspecta est: in corporibus boni habitus sæpe siue purgatione ac sanguinis missione, ijs contenti fuimus. In corporibus repletis, ac mali succi, etiam post phlebotomiam, & ante eam reliquas partes vincimus. vt si vulnere in sinistro brachio existente, ex reliquo venam secueris, tibias vincire non dubitabis.

*Quantitas purgationis.
Purgatio qualis.*

Vinculorum vsus, & quando.

tabis: stringendo vincula non secus, ac qui phlebotomare intendunt, & cum molesta, plurimumq; dolorosa esse coeperint, soluenda sunt, mox religanda, & sic reiteranda per vices: ante, & post cibum, omnino per horas aliquot soluenda, nisi vrgeat inflammatio, vel dolor, vel sanguinis aliqua hæmorrhagia. Ligaturis etiam addere poteris, si aliquod prædictorum symptomatum molestum sit, balnea ex aqua tantum calida, manibus scilicet affectui oppositis. Poteris & his (si libeat) per se vti. Sit autem aqua, quantum sufferri potest, calida tandiu in vsum venire possunt, ac ligaturæ ipsæ, donec scilicet timeretur fluxio. Frictiones magis deriuare, quàm reuellere dicimus, nisi vehementiores sint: verum ex cutem exulcerant, molestiamq; grauem inducunt, mi-

Balnea. res verò leuiter trahunt. Has tamen si feceris (reliquis auxilijs non omis-
Frictiones sis) iuuabis. Idem & de cucurbitulis dicendū est: nam hæc à propinquiore tantum partibus trahunt, quare potius deriuando, quàm reuellendo vsui sunt: verum si vrgeant symptomata, & has in contrarias, & quandoq; in vicinas partes, non omis-
Ventosa. sis reuellentibus ingenijs, addes auxilium. Has tamen, & balnea, & frictiones magis laudamus interioribus ac boni habitus corporibus. Sed

Vitium. nunquid & victus tenuis sub genere reuellentium, aut (vt proprius dicam) retrahentium ponere liceat? licebit hercle. Stomachus autem cum prima pars sit, quæ & cibum recipiat, & nutriatur, & inter reliquas partes primò fame cruciatur, si cibum tradius ac parcius susceperit quàm debeat, quare à continuis sibi partibus humidum trahit, & hæc ab alijs, & sic succedentes: vnde duplici ratione tenuem victum profuturum esse in his censendum erit, tum quòd partes, quæ famem, sitimq; primò experiuntur, ab alijs trahant, tum etiam quòd propter conuenientem mediam non modò non generatur noua humorum noxiorum copia, sed qui noxam fortè inferre parati erant, dissoluuntur.

Verum

Verùm & hunc viribus patientisq; consuetudini proporti-
onandum esse, nemo est qui ambigat, qui vtiq; in medica
facultate fuerit exercitatus. Tenuem autem victum dico, *victu te-
nuis quo-
modo.*
si vel panatella, vel condro, vel prifana tota in iure pulli, vel
vituli, vel aqua, & oleo, vel butyro condita parte nutriatur,
pro potu aqua hordeacea vtatur cum saccharo, primis maxi-
mè dieb⁹, postea verò paucifero vino, & egregiè lymphato.

De deriuatione. Cap. XII.

Deriuare intelligimus, cùm humores aliquam partem *Deriuatio
in quibus fi-
at.*
infestantes in propinquam trahimus, vel ex propin-
qua educimus. Fit & hæc quandoq; cum sensibili euacuati-
one, quandoque sine hac. Cum euacuatione manifesta ve-
sificatione cutis, hirundinibus, scarificatione, venæ sectio-
ne: vt si synciput affectum fuerit, à quo aliquid ad vicinas
partes trahere conueniat; vel venas temporum, vel quæ
medias frontis regiones occupant, vel in nare, vel retro au-
res quandoque apparent, tundimus, vel collum ventosis
appositis scarificamus. Possumus, & herrinis & mastica-
torij medicamenti ad fauces & nares euocate. Herrina
tamen, nisi vrgeat necessitas, subterfugienda esse laudo:
molestiam namq; maiorem inferunt: prosunt tamen ma-
ximè, si ratione sint administrata. Similiter si cubitus male
habeat, quòd hoc remediij genus desideret, venas manu-
um, vel eas, quæ infra cubitum sunt (affectæ tamen parti
viciniores) secabimus. Eodem modo si coxa, eam, quæ in
pede, vel poplite, vel vicinorem aliquam aliam, si se osten-
derit, vel circū tacentem cutem scalpello obrûdere, vel eas-
dē vesicare. Verùm isthæc facere, facillimū est: quantum e-
nim, quando, & quo modo, difficile. Fieri debet deriuatio, *Quomodo
deriuatio
deriuatio-
dum.*
quando fixus aliq; humor partem aliquā obsidet, sic vt eua-
cuato, purgatoq; (vt decet) prius corpore, neq; solo Natu-
ræ beneficio, neq; dissoluentiū medicamentorum ope dis-

*Quando
deriuand-
um.*

flari quidem potuerit, præcipuè propter eius multitudi-
nem, vel propter eius crassitiem, vel lentorem, vel cutis
densitatem. Tantum, ac tandiu deriuandum est, quo ad
partem in proprium habitum restitueris. Verùm reiteratis
vicibus, si vnica non suffecerit vt plurimum enim non suf-
ficit. Facile enim non dissipatur humor, qui longo tempo-
re parti alicui est infixus, præcipuè si nervosa hæc fuerit: qua-
re ab ijs ad euacuationem, quæ à propria parte sit, est recur-
rendum.

De euacuatione à propria parte. Cap. XIII.

A Propria parte euacuare oportet, omiſſa ea euacuatio-
ne, quæ vel sanguinis, vel puris, vel alterius cuiuspi-
am in sinum aliquem collecti humoris sit, quando sanguis
ctassius, vel lentus in aliqua parte fixus, neque derinatione,
neque reuulsione aliò euocari potuit, vel caloris naturalis
beneficio diffuari. Varijs igitur ingenijs hæc perficitur, vſti-
one scilicet, resiccatione, hirudinibus, scanſicatione, &
euaporatione. Primò euaporantia tentanda sunt, inter quæ
principatum obtinent fomenta ex aqua calida, vel ex vino
si vlcera adsint, in quibus si valentiora requiras, chamæme-
lum, vel nepetam, vel calamentum, vel aliud quidpiam
eius generis addere poteris. Præterea vñctiones ex chamæ-
melite oleo vetusto, anethino, liljaceo, æſſypo, & similibus
succida lana ab vñctionibus circumuolutis membris, bis
singulo die eadem fouendo. Si dissoluentiũ officio in tres
quaroruñ dies voti compos non fias, ad scarificationes,
vel hirundines, vel vesicatoria, vel altiores vſtiones recur-
re. Verùm neq; hæc, neq; illa securè administrantur, nisi &
fluxu prohibitio, & corpore recrementis liberato. Dissol-
uentia nanque calida sunt, & vesicantia. Scalpellationes &
vſtiones, non sine dolore sunt, quæ omnia in corpore mali
succis, vel multi adhibita, ad eandem partem retrahunt ma-
gis, quàm euacuare possint, vnde geminaretur morbus. Præ-
cedant

cedant igitur reuellentia oportet, & qualia, & quanta conueniunt, quò tutiùs opem feras. Nunc quomodo suppressi debeat sanguis, qui è vulnere abundantius effluit, dicendum est.

De sanguine supprimendo Cap. XIII.

Sanguis, quum totius corporis pabulum sit, quo deficiente, simul vitam desciscere sit patenissimum, tutelam igitur sui nobis preiudicat, si vita frui debeamus: quare tota opernitendum est, vbi is abundantius effluat, vt cohibeatur quod varijs ingenijs fieri solet, obstruentibus, repellentibus, adstringentibus, reuellentibus, & vrentibus. Repellunt refrigerantia, & adstringentia, vt aqua lactucæ, endiuix, cucurbitæ, poligoni, sed i vtriusq; & solani succi, myrtillorū, bacæ, rosæ, malicorium, galla, lysimachia, myrobolani, bolus armenus, cerussa, plumbum vstum, gypsum, lithargyrum, rubigo ferri, alumen, reuellunt vincula, balnea, frictiones in oppositas partes. Phlebotomiā, & purgationes omitto: nam simul & vires deijciunt. Vrunt medicamenta caustica, vt auripigmentum, sandaracha, sublimatum, & alia varia, quæ arte parantur crustifica, & quæ ignita sunt ad vsum hunc structa instrumenta, vt aurea, vel argentea, vel ferrea. Obstruunt tenacia, lenta, viscidaq; vt glutem piscium, gummi ceraforum, amygdalarum, thus, aloes, mastix, & similia: hæc autem per se sanguinem cohibent, si vena exilis sit vnde profluit: sed vbi vena diuisa aliquo modo magna fuerit, sunt miscenda reliquis medicamentis. Si igitur vena secta superficialis appareat, tutius est, eam ignito ferramento vrent. Si verò profunda sit, quæ visui non manifestetur, hoc vnguento vulnus reple. Rec. boli armenæ, ferri rubiginis, an. 3. ij. mosticis, aloes, thuris, an. 3. j. cum albumine oui incorporentur. Aliud, Rec. glutinis piscium, masticeis, boli armenæ. an. 3. ij. gallæ immaturæ, plumbi vsti, thuris, an. 3. j. cum albumine oui incorporentur. Potes & pilos leporis minu-

Refrigerantia.
Adstringentia.

Reuellentia.
Non laudar phlebotomiam,
neq; purgationem.
Vrentia.
Obstruentia.

tim incisos, & flores, seu gossipium salicis, vel populis ijs im-
miscere, similiter filamenta ex panno molli subtili, ex qui-
bus cum bene eisdem vnguentis erunt imbibita, turundæ,
prout vulneris forma postulat, magnæ vel parvæ, breues,
vel longæ parari poterunt: duriores in hoc casu requirun-
tur, ac maiores, sic vt ora vesarum possint comprimere.
Aliud, Rec. boli armenæ 3. ij. cerussæ, lithargyri, myrobala-
norum chebulorum & citrinorum. an. 3. j. ß. masticis, gluti-
nis piscium, tragachanti, an. 3. j. cum oui albumine fiat vn-
guentum. Aliud, quod valentius adstringit. Rec. gallæ om-
phacitis, boli armenæ, lithargyri, an. 3. ij. cinnabaris 3. j. ß.
omnibus subtilissimè tritis cum oui albo misceantur, & pa-
rentur licinia ad vsum, quæ & arida conservari possunt, quæ
iterum eodem vnguento molli & recentefacto liniri de-
bent, propterea arum asperitatem, dum vsus postulat: nam
hæc citius cohibent, vel pulvis omnium supradictorum, si
in vulnus aridus imponi possit, celerius sistet. Alia, quæ &
valentius adstringunt, exiccantq; Verum non sine dolore,
molestia, & crusta, si copiosius sint imposita. Rec. balausti-
orum, masticis, terræ sigillatæ, an. 3. iij. aluminis scissilijs, vel
rochæ, si scissile non sit, æris viridæ, æris squammæ, an. 3. j.
cum oui albo, vel vino austero fiat miscella. Aliud, Rec. lyli
machia, balaustiorum, boli armenæ cerussæ. an. 3. ij. ferri
scoria in aceto præparatæ, aluminis, viridæ æris, an. 3. j. ß.
chalcanthi. 3. j. cū oui albo, vel austero vino misce ad vsum.
Si forte hæc diutius conservare velis, tunc interetes passil-
los redige, conum ex altera parte habentes, quod in vulnus
poni facilius possint. Verum cum vino, vel passo eos com-
ponere præstantius est, qui aridi sunt conservandi. Citius
autem in vulnus dissolvitur, quàm qui cum oui albo. Sed
quum dissolutum quasi vnguentum velis, oui album præ-
ponitur: constipat autem magis suo glutino. Ast ligaturæ
rescuentes vna adhibita magnam in ijs opem ferunt: quæ
quomodo

Ligaturæ.

quomodo sint vsui conferendæ, in capite de reuellentibus concipies. Quòd si horum remediorum auxilio voti compos non fias, ad ignita instrumenta propera, si ijs manantis venæ ora contingere existimes. Celerius namque, tutius, ac minore noxa effectum præstant, quàm quæ vrunt medicamenta. Hæc siquidem ingentem, ac per horas multas dolorem excitant, vnde & fluxus interdum vehementer irritatur. Præterea si non compresserint, actualibus cauterijs difficile iuuabis, donec scilicet sit exempta ab illis facta crusta, in quo temporis interstitio animâ æger simul cum sanguine efflare poterit. Quòd si vi escharam illam extirpare susceperis, operosius utiq; reddes negotium. Præstabitur igitur ab vsu supradictorum medicaminum siccantium sine morfu, & adstringentium ad hæc te conferre. Verùm hominem in anatome exercitatum requirit, qui venarum situs bene noscat. Instrumentorum autem formæ tales esse debent, quales diuersitas vulnery postulat. Eorum tamen aliquot inscribemus pro exemplo, quæ vt plurimum ad hunc vsum erunt accommodata, siue superficialis, siue in altum sit posita vena, & hæc sunt:



Tu alia, prout effectus requiret, struere poteris. Vfus autem talis est: Duo habebis ex ijs, cuiusdem magnitudinis quæ vt igne candeant facito, & membro circumquaq; pannis in aceto & aqua madidis bellè munito, alterum summè & in vulnus firma manu mirtas, cam partem fortius premendo.

in

in qua venam fore existimaueris: & cū hoc frigefieri cōperit, in ignem remitte, & alterum candens capies, & preme, quoad fluere destiterit. Quodd si vel os, vel cauitas aliqua venam tangere non permiserit, & fluere non desinat, properare ad ea non est dubitandū, quę vrere possunt medicamenta: nam tunc & tutior locus talib⁹ medicamentis relinquitur, & minus molesta fiunt: quorum compositiones tales erunt. Rec. cerussæ 3. iij. balaustiorum 3. ij. chalcanti, aluminis, an. 3. ij. arsenici scrup. iij. cum passō fiant teretes pastilli. Aliud. Rec. terræ lemnix. gallæ omphacitis, mastice an. 3. ij. cinnabaris, aluminis, an. 3. j. β. Salis gemmæ, arsenici, chalcanti, an. scrup. ij. viridis æris, minij, an. 3. β. cum passō fiant pastilli. Aliud Rec. sublimati. 3. ij. chalcanti vsti, pulueris præcipitati, cerussæ, minij, an. iij. pollinis. 3. ij. cum aceto acerrimo fiant pastilli. Attendendum autem est, vt quum hæc in vsum pones, aliō humores euoces, remittasq; vicinas partes refrigerantibus laxius (quandiu dolor tristabitur) muniendo, & longinquas vinculis stringendo. At quod præcipuum, tutissimumq; in hoc casu semper inueni, est vulnera laxis fascijs (conuenientibus medicamentis appositis) vincire, deinde manu super vulnere posita immota medicamenta conseruare per dies aliquot, tres puta, vel quatuor, quini mō & plures, nisi dolor aliquis vrgeat: nam tunc soluere expediet, ac medicamenta renouare. Pro hoc igitur officio duos, tres uē homines paratos habere oportet, quō vicissim quiescere, & auxilium ferre inter se se valeant: permutēt (si calorem aliquem sentiant) frequentius manus, casq; modō vnā, modō alterā infrigidā aquā madentes, ne affecta pars calefiat. Fluxibilior namq; calore redditur sanguis. Sed & situs talis affectus parti est eligendus, vt quietior sit, ac, si fieri possit, rursū vergat. Nunc verō tempestiuū est, vt ad curas exponēdas properemus: est autē hoc, quod intendimus.

CVrationibus igitur huiusmodi vulneris inquantum
 se, prima intentio est, auferre extranea, si quæ sunt au-
 ferenda, mox ad curandi formam, quæ contuso, lacerôue
 vulneri conferre perpetuò nouimus, se conuertere, vt con-
 tusam scilicet, laccramque carnem à sana quanto citius se-
 parare intendas, idque medicamentis quantum possis mi-
 nus mordentibus: quale est, quod ex mercurij puluere (quæ
 præcipitatum appellant) paramus. Miscemus autem præ-
 cipitatum vel cum rosâcco, vel cum oleo simplici, vel cum
 butyro, vel recenti axungia suilla, semuncia puta butyri, *Vnguen-*
 pulueris drach. adijcies, seu binas, vel minus, plusue, prout *tum.*
 contusio, vel magna, vel leuis fuerit. Nam quanto glans
 maior fuerit, non modo vulnus maius reddit, sed & altius
 circumquaq; partes tundit. Parantur & alia medicamenta
 ad hoc munus, vt Aegyptiacum, & similia: verum hîc tan-
 tum illius memoriam facere libuit, cum inter reliqua hu-
 ius facultatis principatum obtineat, sic vt aliquid miri præ-
 stare videatur: contusam enim, putridâ, vel magis auctam
 carnem cum minimo, vel nullo dolore dissipat, vulneri
 non modò nullum cruditatis vestigium relinquens, vt re-
 liqua, sed cocta, temperata, beneq; disposita reddit: quare
 illud præ cæteris omnibus meritò anteponendum esse cen-
 sui. Ex hoc igitur penicillos, puluillos, lychnia, & quas flam-
 mulas vocant, & cætera similia insperges. Hoc vnguenti ge-
 nere vnico die, vel duobus ad summum utimur, satis super-
 que erit tribus, si contusio vehemens fuerit: sequentibus
 verò diebus ad ea, quæ leuius abstergant, & moderatè exsic-
 cent: quibus si contusæ carnis aliquid adhuc impendeat,
 butyri paululum adijcere poteris, perinde vt affectus indi-
 cabit, quibus succedant carnem generantia, & cutem in-
 ducentia, vt puta mel simplex, vel rosaceum, mel cum hor-
 dei farina, vel orobi, vel fabarum: cui addere poteris aristo-

lochiam, minus centaureum, terebinthinam, thus, aloen, euphorbium, myriophylli, verbasci, apij, chelidonii, vel plantaginis pulveres, vel succos, vel balaustum, vel galas vel furtus, vel cupressi nux, vel lithargyrum, vel vstq̃ plumbum, & alia huius generis, prout vlceris habitudo, vel partis natura, vel hybernium, vernum vel æstium tempus dabūt indicium. Sed quod maximè monendum esse censeo, cū in hoc sapius peccent negligentes Chirurghi, est, ne sint clauui, vel lychnia, vltra modum crassa, vel longa, vel dura, vel aspera, pungunt longa, crassa extendunt, lacerant aspera, eoq̃; magis, si dura sint. Parentur igitur ex molliſſimo, subtilique linteo, vel carpentatis pannis, vel gossipio retorto, quo dolores non excitent, & si membrorum ossa fracta fuerint, tunc membra situentur commodè, ne doleant, ac cæteris sibi continuis paulò altius, ne facile ad illa humores fluant: nec multis, nec stric̃tis ligamentis sunt liganda, sed paucis, & laxis, immobilia, quantum fieri potest, conseruentur. Hæc compendiosè de vulneris curatione, quæ, vt foeliciùs succedat, prouisione vacet non oportet. In prima igitur cura, cooperto vulnere (nisi nuper sit à cibo) tunc datur ex aduerso vena, & sanguinem copiosius educes, si è vulnere parum fluxerit; quòd si ex eo multus fuerit effusus, parum vel omnino nihil ab alijs partibus extrahere expediet, sed vice phlebotomiæ vincula, frictions, balnea, vel ventosæ suppetent. Et si mali succi æger occurrerit, à sanguinis missione, die puta immediatè sequenti, corpus purgare conueniet, circumstantesque vulnere partes prima die repellentibus fulcire, oxyrrhodino puta, vel aceto & aqua, vel aqua, in qua incocta sint mali coria, bacca, vel folia myrti, galla, & similia, vel omphacium per se, vel cum aqua mistum: victus tenuissimus sit primis diebus, reliquis autem semper aliquid addendo, prout morbi magnitudo, virtutis robur, & patientis consuetudo indicabunt. Et hæc cū

suc-

*Qualia
lychnia.*

Prouisio.

fuccinâ, generaliterq; omnia dixerim, non alienum erit, nos ad exemplares curas conuertere: hæ namq; magis sensum mouent.

De curatione vulneris capitis. Cap. XVI.

ITa vt humani corporis partium præstantissima est anima, sic & reliquarum omnium eius sedes, hæc autem est caput: hinc igitur sumamus exordium. Ex bombardeola, sclopettoûe varia in capite vulnera inferuntur, quæ quantumuis parua fuerint, semper magni existimanda sunt: non enim facile in ijs corrigi potest inflammatio, si fiat: fiunt quippe facile, nisi summa diligentia sint tractata. Cutis enim densa est, à quib. non sine labore trãspirant superflui humores: longe tamen maius negotium facessunt, si internis partibus communicet læsio, & horum etiam magis, quæ vel circa commissuras, vel tempora, vel occiput, vel oculorum regiones sunt accepta. Agedum, si ipsum simplex fuerit, vndequaq; rasus capillis vnico, aut ad summum duobus diebus hoc vnguento curabis. Rec. pulueris præcipitati optimi 3. j. butyri recentis 3. ij. olei rosati omphacitis 3. j. croci grana duo, misce, & fiat vnguentum, quo puluilli imponendi ex mollissimo carpentato linteo illinatur, coque tenuius crassiusue perinde vt in vulnere maior, vel minor apparuerit contusio. Ast vbi hæc maior fuerit, vnguentum copiosius, minori mitius impones: desuper autem qui album cum rosaceo, & bolo armena in formã vnguenti mista. Secundo autem die aliud medicamentum impones, quod aliquo modo digerendo moderatè abstergat, & leniter exsiccet, cuius hæc erit forma: Recipe terebinthinæ claræ in albo vino ter lotæ, an. ʒ. mellis rosati, an. i. butyri recentis 3. ij. farina hordei, pulueris aristolochiæ rotundæ, radicis ireos, an. 3. j. aloes 3. ʒ. misce, fiat vnguentum. Hoc autem vti poteris donec in vulnere optima appareat digestio: quæ si illud rationabiliter se gerat, quartum, aut ad

*Vulnus
simplex
in capite.*

*Vulnus
cōpositum*

summum sextum non excedat : & tunc ab vnguento amoto butyro siccantius (vt requiritur) illud facies, addendo ex pulueribus quod satis sit, si magis siccare intendas. Facile autem curatur in capite vulnus, si illud simplex sit, modò æger non in humoribus tantùm, sed & in moribus sit temperatus, arteq; curetur. Verùm quod complicatũ est (quod scilicet intrinsecis partibus læsionem communicat) laboriosum non solum patienti, sed & ijs, qui curam susceperũt, existit. Si ergo intrinsecarũ partium offensã sensui pateat, vel saltem de se magnam faciat Chirurgi opinionem, statim os deliberare intende, ea parte scilicet, quæ magis grauata est, sic, tantumq; cranci detegas, vt fracta, educendaq; ossa eximere, collisa terebello perforare, vel radenda liberè ciclicis scalpere possis. At incisionis forma duplex est, altera trigona, tetragona altera : sed hæc ad intentum nostrum magis conducit. Ea autem est, quæ duabus lineis orthogonaliter se secantibus depingitur.



In prima igitur cura (si fueris vocatus) nouacula bene secante, ac manu ponderosa cutem sic præcindito, vt pericranium vnà diuisum sit, mox vnguibus, vel (quod aptius est) instrumento aciem obtusam ex altera parte habentem, ex altera parte bene secante, qua meningem ostegentem, si vsquam à nouacula insecta remanserit, scindere valeas, non amota ab opere manu : cuius formam hîc intueri licet.



Os igitur excoria, ac labra euerte: & si glans in propriam cerebri substantiam intrauerit, salutis omnino spes eximitur: si verò nondum ingressa, ossis aliquid à reliquis separati reliquerit, quod non magno negotio euelli possit, educaſ. Sic si glans in osse sit fixa, vt in frà latiùs dicetur. Quòd si nihil hac prima cura, quod facillè educi possit, appareat, vulnus puluillis ex carpètato linteo, vel mollissima stuppa paratis, in austero vino, vel omphacio, aceto uè prius madidis, ac expressis recenti rosaceo omphacitide, vel mirtino cum bolo armena, post imbibitus, ac tepidis priùs replè. Si verò propter aliquam sectam venam sanguinis hæmorrhagiam verearis, omiſſis oleis, lychnia in omphacio, vel aceto accerrimo madida, ac fortiter expressa, oui albo, in quo abundanter sit bolus armena, illinantur ad vsum sequenti die, hæc miscella componatur. Rec. rosacei omphacitis, ac recentis anas. 2. albumen vnius oui, boli armenæ an. i. croci grana duatuor, misce, ac penicillis superpone: hoc eodem vnguento circumstantes partes vulneris munire salubre erit, per ternos, quaternos uè dies, propter inflammationis suspectum: in vulnere autem sat est prima die imponere, deinde ad huius digestiui vsum accedes. Rec. terebinthinæ in vino albo ter, vel quater lotæ an. 2. vitella duorum ouorum, olei rosati an. β. croci grana quatuor, aloes scrup. 2. misce, & vtere donec abstergerendi tempus aduenerit, quod nō præteriturum quartum diem fatemur, si æquè se res gesserint. Sunt qui putrefactiuus (digestiua appellata) diem se-
ptimum vt firmum terminum præscribant, alij etiam & vltra hoc expectantes putridæ carnis separationem vndique

*Digesti-
ui.*

*Digesti-
ui.
na quo, &
quædæ*

labia ambientis, ignari bonam carnem putridæ subsistentem indies putresceni magis, nisi quæ iam suppurauit abstergentibus amoueatur. Hos autem ratum dimittendi digerentis medicaminis terminum præstinimus, quod est hoc, dum videris vulnus concoctum iri, hoc more, nec tibi septimum, nec alium quemque diem (vt crassæ Mineræ vulnerarij faciunt) præstitues firmum. Ab hoc medicamine cum abstergere licebit, ad id recurre, quod supra ordinatum est, constans ex melle & cæteris. Hoc quantum ad ea quæ curationem carnosæ partis spectant de capite sint dicta. Si verò (vt diximus) ossis læsio fuerit, sic vt internatum partium aliquam malè habere existimes, puta, vel venarupta, vnde sanguis sub cranio effusus, sub caluaria vagus exitum postulet, vel pus quod contingit ijs, qui iam diu vulnus acceperè, vel cerebrum ossis collisione prematur, vel ab aliqua asperitate (si os fractum sit) pungatur, tunc ocissimè ad ossis, vel puris molestiam inferentis, ablationem, vel ad vaganti sanguini liberum exitum parandum properandum est: quamobrem recta mente perpendenda sunt signa, ne omittas vbi requiritur opus, vel agas, vbi suffugiendum est, quæ omnia in his frequenter, & ægris, & artificii opus molestissimum reddere consueuerunt, ostendunt igitur læsionem intrinsecus susceptam sensui non manifestam, casus cum vertigine, vel visione plurimorum luminum, mentis alienatio, sopor, oculorum tumor cum dolore, sanguis per narès & aures, eruptio, vomitus, resolutio aliquarum partium, apoplexia: vetùm non necesse ad horum singulorum deducitur, vt certo argumento proferamus cerebri offensam, (cerebrum nunc intelligo quicquid intra cranium continetur) cadunt enim quandoque aliqui capite percussi, nulla cerebro illata iniuria, alios stetitè vidimus, quibus duram menigem laceram deprehendimus, quare in his iudicandis, vbi anceps res est, prudentem

Chirur-


Chirurgum esse oportet, qui cuncta bene penset, iudicet, agatque, pristinam scilicet patientis naturam, mores, motus, vires, presentibus conferendo. Si itaque os aperire cogamur, quanto celerius fieri potest, fiat. Primo puta die, vel secundo, quo sanguis nondum coagulatus, facilius exeat, ne vagabundus cerebrum perturber, vel premedando grauet, vel astuando inflammet, minusque extendendo dolorem faciat. Verum ubi à principio non facta fuerit, eamque subterfugere non liceat, reliquis diebus efficias: satius namque est, quo quomodo tardius occurrere remedijs, quam ijs omisissis sine spe morbi ægrum destituere. Quare & tertio, & quarto & sexto, & decimoquarto, & reliquis diebus indifferenter agere poteris, non enim pro hoc opere præstando criticos dies vereri oportet (ut quidam faciunt) non intelligentes artem, existimantes id quod ad vnum refertur in arte medica, idem reliquis omnibus esse referendum, nulla habita distinctione: errant tamen maximè.

Observantur tamen in ijs criticis dies ad prognosticum, non ad curam. In febribus autem ad vtrunque: nam in febribus purgationes, balnea, phlebotomia, neque aliud quicquam quod naturam diuertere possit ab opere, si aliquid moliri sit disposita; agere verendum est, non aliam ob causam, verum in hoc affectu non id expectandum est: non enim Natura os perforabit, vel opportunè quod pungit semper auferre potest, egens in similibus omnino Medici auxilio. Quare quocunque die operatio hæc fieri potest, nullo discrimine habito, præter hoc, quod quanto citius fiet, in melius res succedet.

Sed antequam ulterius progrediar, operæ precium fore duxi, hæc terebrarum formas aliquot ad intentum nostrum salutas, & à multis non cognitæ describere.

scribere, quarum quæ quaternario caractere signatur, cæterarum omnium in suo genere vtique tutissima ac commodissima, à me excogitata est, nec amplius ab alio (quod nouerim) cognita. Quæ ternario caractere notatur, ea est, quæ passim per officinas chirurgorum transcurrere videmus, quam etiam Hippocrati fuisse familiarem existimamus, à Galeno chinicidas, quod (vt Celsus interpretatur) modiolum significat, cui binarius character iungitur, aliud illi figura simile apud aliquos chirurgos nostri temporis vidi, verùm in modum limæ interfectum erat, vt omnino simile esset his sphaerulis, quibus fabri ferrarij vtuntur ad typos formatos, quibus plumbæ glandes conficiuntur ad sclopettorum vsum, cuius figura literam habet appositam A. sed istud in operatione molestum est, quum statim eiusdem asperitates scobina repleantur, sic vt singulo ferè circuitu, noua lotio negeat, at hoc nostrum diuerso modo ab illo sectum est, sic vt celerius aptiusque operam perficiat, quanquam non tam frequenter vt primum vel quartum in vsum veniat. Reliquum genus, cui vnitatis character assidet, etsi meo genio similiter vt quartum excogitarim, aliud tamen non dissimile, licet quodammodo nostro sit obtusius in commentarijs super Hippocratem Guidi Vidij nuper in Gallicam linguam ex latina trāslatis comperi, quod ante hunc etiam apud Celsum verbis depictum cognouerim, id autem est, quod à Celso secundo loco describitur, ab acuto scilicet mucrone incipiens, in latius tendens, in longioris quasi capituli formam, dereliquis, quæ vel laqueo circummouentur, vel arcus fune, vel ligno transversim posito fune vincto, quo fabri ferrarij vtuntur, vt nondum in vsum venire possunt, sic de ipsis quicquam scribere omnino superfluum esse existimo, terebrarum autem formæ hæc sunt.

Sed



Sed quia quandoque in caluariæ fractura vel collisio ita ingens est, ut terebra totum illud amplecti minimè possit, peruestigandum est, qua industria (si oporteat) id auferendum veniat: nam Galeni modus, quem etiam Celsus confirmavit, horridus ferè videtur, quum calvariàm clypeato, aut si malis, lenticulato scalp pro plumbeo malleo percusso, quantum sufficiat fecare mandet. At nos triplici modo ubi opus requiritur, remperagimus: aliud est nostris terebris toties perforare, quoad totum quod amouendum est, sit remotum, ut in his figuris videre licet.

Gg

Cuspi-




Cuspides autem quæ inter circulos remanent, lenticulato scalp pro obtunduntur, nam modus iste (si os firmum aliquantulum existat) satis facilis ac tutus est, & à me fratreque meo sæpius vsu comprobatus, sic vt superstites adhuc viuunt aliquot ex his, quibus operam nostram, simul atque consiliu communicauimus, inter quos Castagnedus Hispanus miles quinquagenarius bellico malleo, aut (si manus) claua percussus, terebratione reiterata, quod sat fuit è cranio seiunximus. Item infans biennis molitoris filius, casu à Germano milite lapidem proijciente, in sincipite magnò ictu percussus fuit, hunc triplici perforatione curauimus. Christophorus calceolarius agens annum circa vigesimum, hastili ferro, quod alabarda vulgò dicitur, quinque terebræ operibus rem perfecimus, nec non alios simili ope adiuuimus. Alius secundæ caluarie modus est, si in longum secare intendas ab vtraq; parte terebra os perfora, & ab vtroque circulo, ac si eos intra duas parallelas includere velles, elicies ciclisco, aut acuto scalp pro rasorio paruiore parabis, quo ferra vltro citroque ferri minimè possit, inde quod intra vtrumq; osculū remanet, ferra secabis eodē more procedendū est, si in latum longumq; auferre craniū expediat, vt per has alias figuras cōprehendere faciliè poteris.




Tertius modus est, quum sine terebellis sola ferra & scalpris, præcipuè cum os amplum est, quod tundendum venit, auferimus, verum vt dictum est, adunco vel acuto scalpro, (si libeat) sulci parandi sunt, ne huc atq; illuc ferra fluat, vel pedetentim secura manu sola ferra fluat, vel pedetentim secura manu sola ferra parare viam poteris, ac quantum oporteat secare, ad hanc puta formam vel aliam, vt ipsa ossis affectio monebit.




Serra brevis esto, subtilis, dentibusque bene acuminatis, in medium minimè conuexa, cum forti manubrio, ac longo, quantum manu commodè prehendi exerceique possit, ex quibus plures etiam paratas habere licebit, forma autem talis sit:



Atqui & nunc scalpiorum formas hîc describere non erit inutile, nam sola horum ope, sæpe in vulneribus cælium factis agros inuimus.



Sed nec hippomocleati vectes, eleuatoria dicta, sub silentio sunt prætereundi, quorum officio rostris coruinis, vel gruinis, inuicem adiuuantibus, non raro à labore, & periculo patientes liberauimus, vbi potissimum magna sit offisi labefactorio, quorum formas hîc subiicimus.



Nunc quomodo horum singulum in vsum veniat, expromere tempestiuum est. Dux igitur terebrarum figuræ, quarta scilicet & tertia sphaerulam ossis secant, amplitudini instrumentorū & magnitudini respondentem, & vsui præcipue veniunt in collisionibus vel fracturis, in quibus os firmum est, quod auferre est necessum, vel in fracturis punctim illatis, vel contusionibus paruis, vel quæ quandoque

ex sclopettorum glande fit, vel alterius rei similis, secunda
verò admodum rasorii scalpri in circulum radit, osculum
in vitrea quantum lens est, parare apta est, reliquas partes
circumcirca osculum exiles admodum relinquēs, quæ vel
eleuatorijs frangi, vel lenticularo scalprio abradi debent, ne
acies in vitrea relicta aliquo modo cerebro officere possit,
ac etiam quo magis amplum foramen reddatur, accommoda-
datur, vbi osculum ab acuta terebra factum augere ali-
quomodo velles, quod quandoque accidit, vbi crassior
sanguis, vel pus aliquod tenacius sub caluaria sint inuen-
ta, vel vbi caries ossi immineat, quæ ad secundam vsque
laminam descendat, quod frequenter apparet in his qui sy-
phillide diutius cruciantur, & non solum in capite, sed & in
ossibus tibiærum omoplattæq; carie infectis vsui venit. Pri-
mum quidem quod capituli longioris acutiorisq; formam
refer, in acutum os transfigit, ita vt osculum quantum mi-
dium, vel paruum ordeolum est, relinquat, aptè eo vtimur,
vbi tantum caluariam transpirabilem reddere sit congruū,
quo crassi vapores, vel sanguis ex aliquo ictu sparsus, nondū
coactus, vel pus aliquod intra caluariam gemitum, vel ab
externo aliquo sinu interius resudatum, liberum (inquam)
hæc omnia exitum habeant. Ad faciliorem igitur doctri-
nam fingamus in bregmate acceptum esse vulnus, cum le-
ui illusione, quæ sensui manifesta non sit, symptomata au-
tem de intrinsecus accepta offensâ fidem faciant: osse prius
(vt dictum est) bene, ac quantum sufficiat detecto, prima
terebra illud vbi collisum est, transfige, ita vt sanguis sub eo
errans, liberè exire possit. Si verò hoc osculo facto vitream
(quod in collisionibus plerunque euenit) fortiter labefa-
ctam esse noueris, tunc quarta terebra maiuscula orifi-
cium auge, quòd si tibi hæc præsto non sit, tertiam sume,
nam & ea commoda est, modò tutiore manu tractetur. Si
verò fractura pateat, eaq; in glandis formam (quod vt plu-

rimum sit) sit facta, tunc terebra quæ totum os fractu amplectatur perforare oportet, illudque eximere. Sed hic extra propositum non erit, curam à me factâ auditu dignam pro exemplo in hominum memoriâ exponere. Die secundo à Ceresolense conflictu (nam tunc temporis Chirurgiam exercebam) profugus Hispanus quidam miles, qui in dextro bregmate infixâ glandem plumbeam ferebat, supplex ad me venit, cui actutum manus adhibui, & quantum oportebat ossis denudaui, glandemq; coruino rostro strinxi: hæc tamen tam tenaciter ossi adhætebat, vt sine magno horrore, ac etiam periculo illam educi non posse comprehendere. Quamobrem eam alia industria educere putauî, sic ad tertium terebellum conuersus (non autem eo tempore quartum meû excogitaueram) quo deinde (vbi mihi oblata fuit occasio, semper ac felici astro vsus sum) glandem cum exili ossis ciclo illam cingentē prosperè extraxi, primis postea diebus, vsq; dum sanguis, qui iam sub cranio coactus iacebat separati, in pusq; verti cœpit, simplo mellis rosati: triplum rosati olei, admiscui, imposuique, quod vice versa commutari, dum concoctio apparere cœpit, olei scilicet simplo triplum mellis adieci, postea solo melle, per dies aliquot contentus fui, cui postremo ordeaceam, & iridem addidi, qua miscella sum vsus ad tempus vsque ducendæ cicatricis oportunû, circa carnosâs partes eodem modo processimus (vt dictum est) phlebotomatus purgatusque sic, vt (fausto numine) in pristinam sanitatem restitutus fuerit. Si verò glans obliquè præhenderit, osq; valenter cursim fricauerit, ac aliquo modo depresso, fortè sat erit illud ciclicis, aut acuminatis rasorijs ad duram vsq; meningem sedere, si fortè magna sit ossis fractura, quæ (et si à paruâ selopetris non fiat, cum aliqua vitæ spe) contrigit tamen sæpius ex causa alia, quæ diuersam curam ab hac minimè postulat. Cutis cautè secanda est, ne per fracturarum rimas cerebri menin-

meninges exulceres, postea ossis frustula, quæ non magno negotio educi poterunt, eximere scilicet digitis, & rostris: quod si alia depressa sint, quæ adhuc firma persistant, tunc eleuatorijs ad situm naturalem reducere nitendum est, nec illa vi educere, sæpe autem reuniuntur. Quod si super commissuris extiterit vulnus, idque transpiratione egeat, ea parte perforandū est cranium, qua magis affectus vergit: vel si in vtranq; communicet, ex vtraq;: eiusdem verò commissuræ ossa (nisi vehementius super cerebro detecta fuerint) ne trahas, vel vi educas, sed sat erit, orificijs scilicet factis, quod depressum est, in commissurarū regione eleuatorijs ad naturalem situm, quantum valeas reducere, ac sinere. Nam multoties (vt diximus) religantur: quæ si reuniri amplius non valeant, Natura tutius, & minore negotio, illa separabit, & euomet, quàm resistet symptomatis, quæ sequi solent violentas membranarum extensiones lacerationesq;. Nam in cōmissuris dura meninx inseritur, per illasq; transit: quare si eadem ossa vi extraheret entaueris, meningem laceres in ea infixam necesse est, vnde phlegmones, conuulsiones, mox & interitus sequuntur, timendaq; simul sunt & tempora, & occiput. His amplius à quacunq; ossis ablatione statim aculei, acies, asperitatesue in vitrea relictæ, qualescunq; fuerint, summa diligentia auferre, lenireq; oportet, lenticulato cultro, vel eleuatorio aciem ferēte, vel alio quopiam quod rei cōferre posse perceperis, ne durā meningem, quæ nunquam non mouetur, pungant, lancinentq;. Cuditur clypeatus culter plumbeo malleolo. Sed cum hoc opus præstare intendis, vel scalpris radere, vel terebris perforare, patientis aures gossipio, aut lana, aut panno in formam clauis paratis, obturandæ sunt, manibusque alterius auxilium ferentis, premendæ, quo & firmitus caput sedeat, & ne etiā strepitu horreat, sintq; tibi ea hora parati mollissimi ac subtilissimi pāni in frustula redacti, quibus exsiccare sangui-

sanguinem, qui ex cranio frequenter refudat, commodè possis. Omnibus igitur sic peractis, sericum, vel ex lino sindonem, in formam talem constitutum, qualem cranij apertura coindicat, in vino austero infusum, vel rosaceo, si sanguis aliquis coagulatus cerebro immineat, cerebri membranz superpone, & subtili, leni, curuoq; aliquo ferro sub osse circumqua; placidè accomoda, puluillis deinde ex mollissimis carpentatis linteis in austero vino madidis, rosatoque omphacitide melle rosaceo (vt suprà dictum est) admisto imbutis, reliquo vulneris reple, demum linteum in eodem vino, vel aceto madidum, ac expressum rosaceo, oui albo, & bolo Armena illitum superpone, mel rosaceū, vel iuleb rosaceū, olei loco, vbi amplius, nec digerere conueniat, nec phlegmones timeatur, impones, & vulneris reliquum medicamento ex melle rosaceo, farina hordei, & iride perinde, (vt iam supradictum est) curabis, & cum cranij osculum carne impleri coeperit, tunc os detectum leuiter raspatorijs radatur, & labra vulneris in locum suum paulatim reponantur: orificium tamen aliquod apertum relinquendo, quoad os integrè expoliatum cognoueris: quod longo temporis interuallo fit, quadraginta puta, vel quinquaginta, imò & quandoq; sexaginta diebus. Pro qua relabra euersa tam diu detinere stultum est. Osse verò separato, eutem omnino euoca. Si autem vel propter Chirurghi negligentiam, vel patientis malum habitum, intemperantiamue, ad aliquam corruptionem deuenierit pars cerebri affecta, vt aliquando mihi vidiſſe accidit, ad præcipitati pulueris, vel Aegyptiaci vsum illico deueniendum est: nam horum præsidio liberatos aliquot vidi. præcipuè agrestem mulierem, quam curam admirandam nunc subscribere intelligo. Agrestis quidam mulier quadragenaria circa finem Februarij mensis lapide in sinistro bregmate percussa fuit: hæc cum ab ignaro agresti; Barbitōsore curaretur, indies

in de-

in deteriorem statum labebatur, ita vt de eius vita omnino desperarent. Ad cuius curam circa nonum diem secundus Botallus mihi frater (vir etenim in chirurgia exercitissimus: nam eo tempore sub eius instituto chirurgiam exercebam) conuocatus fuit. Hic rectè sympromara perpendens, illico cutem aperit, os detegit, & subsequenti die terrebello perforat: at in ea parte cerebrum penitus immobile vidimus, durities ingens, cum nigritie apparebat, vt crusta in carne facta omnino videretur: quamobrem de eius salute plurimum diffidebamus. Verùm non omnino perterritus frater duplo Aegyptiaci, rosacei mellis simplum commiscuit, & cerebro superposuit eodem die sanguinem è brachio misit, sequenti purgavit. At dolores remitti cœpere, puris vestigium aliquod apparere: quare & eundem, & tertium quoq; diem in eodem medicamine persistere satius esse duxit. Sequentibus verò diebus solo melle rosaceo cōtentabatur, cui imposterum, cum aliquantulum magis exsiccare intendebat, & ireos, & hordei pollinem adiciebat, sic vt ad finem vsq; feciliter rem duxerit. Nam ex hac cura maiore admiratione sum affectus, quàm ex alijs aliquot, in quibus à principio meninx erat sauciata. Si igitur (vt dixi) super cerebrum putredo, corruptelaue aliqua eueniat, quæ melle abstergi non possit, puluerem præcipitati immisce, vel Aegyptiacum, quantum sat esse rectè iudicaueris omniq; industria simul humores in contrarias partes reuellendo purgatione, si liceat, vel reiterata phlebotomia ac cæteris reuellentibus ingenijs. Sed quia corruptela hæc in curabilibus affectibus non contingit, vt plurimum, nisi vel ex ægri malo habitu, vel intemperantia, vel ex artificis improuidentia. Quomodo igitur, & quibus prouisio fiat, declarandum erit. Nam quæ dicta sunt, ad affectus tantum

Prouisio

Reperitur
entia.

bus partibus superpones, leuiter frigidus, si æstas fuerit: tepidos, si hyems. At in vtraq; tempestate repercutientia bis, teruē in die sunt repetendo, ac sæpius, si dolor aliquis infestet, ijs vti licebit, quousque phlegmones timetur. Hæc autem suspecta est, quo ad suppurabit vulnus. Quæ igitur suppuratio apparet, pannum in vino austero madidū pressum, ac calidum superponere satis erit. Sed attendendum est, ne frequentatis plus, quàm deceat, refrigerantibus, vulnēris coctionem, quæ vi caloris naturalis perficitur, remoueas. Nam plures ignaros vulnerarios, ac quandoq; alios, qui se plurimum in arte scire profitebantur, sæpius obiurgauimus, in hoc errantes. Phlebotomiam præterea statim à prima curatione (nisi nuper à cibo sit, vel abundantius è vulnere emanauerit sanguis, vt vires deiecerit) in cephalica brachij, affectam partem respicientis, facies, ac sanguinis tantum educes, quantum & vires, & tempestas indicauerint, affectum semper supponimus. Si verò prima die non secta fuerit vena, poterit sequentibus diebus secari, secundo, vel tertio die, si æger plethoricus, vel cacochymus, vel purgationibus assuetus fuerit: purgareq; sequenti die corpus, conuenientissimum erit, pro qua te Medicum accersire facias. Vbi verò medicus prestò non sit, in fine libri recurre, vbi aliquot medicamentorum purgantium formas annotauimus, secundum præcipuas humorum varietates. Nam eas in omnibus capitibus inferere non libuit, tum quod ad simplicem Chirurgum corpora purgare non spectet, nisi coactus, tum etiam quod in quacunque curare censendum esset, quod semel prolatum omnibus quodam modo satis faciat. Et maximè attendendum est, ne pharmacum vomitum cieat. Clysteria pariter, si durus venter sit, sæpius indere iuuabit. Præterea frictiones à collo inceptæ, ac inferius ductæ ad plantam pedum vsque supēnè leuiores, asperiores infernè, antè cibum fiant. Quod si dolore,

vel

Phlebotomia,

Purgatio.

Clysteria.

*Frictiones
Vincula.
Balnea.*

vel phlegmone, vel alio quopiam molesto symptomate tristetur, & vincula cum ijs, & balnea tibijs & pedibus adde-
re, & venam refecare, & corpus repurgare oportebit, modò
extrinseco horum symptomatum causa non proueniat,
puta frigore, vel calore, vel alio quopiam.

*Purgatio
et phlebo-
tonia rei-
teranda.*

Quare dum cura sit hyberno tempore, omnia calefiant, ac
dum detectum vulnus est, labrum æneum cum prunis su-
prà retineatur: nec æstare omnino frigida sunt admini-
stranda vnguenta. Immoderatus etiam calor ex multis pan-
nis, & stuppis, pellicijs calidiore conclauio, calidioribus
applicatis medicamentis excitari potest. Quare oculatum
in ijs Chirurgum esse oportet. Non levis enim pars est, cir-
ca hæc rationabiliter se gerere. Facile autem affecta pars
à quocunq; extrinseco commuratur. Quare attendendum
est, ne eueniat, quemadmodum ijs, qui fracta membra in-
consultò stringendo perdunt, vel hypochondria fotibus in-
flammant, aliunde tamen causam vestigantes. Idem in ijs
calibus ignari artifices, rudiori ac impia manu vulnera pre-
mentes, aspereq; perfricantes illa recrudescunt, exasperant
que sic, vt eorum causa plerunq; ex cutaneo, leuissimoq;
morbo, in viræ discrimen, vel ad mortem ducantur pati-
entes ita me diu ament, vt horum aliquot reprehendi. Ast
non erit ab re, imò iuuabit quidem vnum ad hoc propo-
situm exemplum, quod nuper euenit, annotare. Adolescens
annū agens plus minus decimum septimum in bregmatis
sinistra regione ex paruo lapillo ab alio puero ludere manu
iacto, cutaneum vulnus passus est. Hunc (suo quidē damno
immedicabili) quidā Chirurgus curæ suscepit, qui inepta,
grauiq; manu, ac linteis asperis, sic impie vulnus absterge-
bat, vt indies, & vulnus magis recrudesceret, & carne magis
colliquaret. Puer autem in reliquis omnibus se bene gere-
bat, negotiabat, heroque illo (vt mōris erat) in somnebat.

*Cura infe-
lix empiri-
co successu.*

Vidi ego hunc eidem vulneratiq; submissum, & quoniam

Hh a vulnus

vulnus recens esset: hunc autem tam impiè artem exercen-
tem reprehendebam. Respondebat is, crudelem esse oportere
Chirurgum, non pium. Hunc reuifere destituit, propter
affectus paruitatem. Circa octodecimum diem ad me
recurrat patiens, cui circum vulnus vndequaq; sinuosa, an-
fractuosaq; erat reddita cutis, vbi & pus detinebatur, quod
tantum premendo educi poterat. Quare quemadmodum
cauitatis eiusinodi authores fuere impiæ frictiones, & mo-
lesta pressiones, eiusdem siquidem & fuisse auctores non
abre asserendū est: liquant autem carnes molestæ compres-
siones. At quum hoc vidissem, cauitatem ad inferiorem
partem aperire consului, quò materia calorem, putredinē-
que cerebro non communicaret. Quod se facturum polli-
citus est vulnerarius: nullam enim eo tempore sedem ha-
beamus permanentem, sed simul cum regio exercitu om-
nes vltro, citroq; ferebamus. Quare nec mihi illius visendi
vlla concedebatur commoda potestas. Circa vigesimam-
quartam diem vocatus ad illum me contuli, sinum ingen-
tem cum summa putredine, ac foetore inueni: nihil enim
eorum, quæ iusseram, præstiterat ignauus ille. Quod an ar-
rogantiæ, an formidini ascriberem, non satis intelligebam.
Circa vigesimam continente febre (vt retulerant astantes)
corruptus est, collapsæ vires, sopor instabat, oculi graues,
tumidiq; vrinæ sanæ. Hæc omnia cum vidissem, vigesima-
quarta (vt dixi) cerebrum offensus esse iudicaui, non qui-
dem à principali vulnere, sed exputrida materia, quæ & in-
trinsecus resudabat. At statim cutem aperire, & os perfora-
re consului, licet vires ferè in totum deiectæ essent, ratus sa-
tius esse, anceps admonere auxilium, quàm tutò ægrum
morti derelinquere. At stupidus ille cum audisset os esse
perforandum. Nisi febris esset (inquit) vulnus faciliè curam
susciperet. Vigesima sexta tandem expirauit. Iussi deinde ca-
daueris caluariam aperiri: vulnerarius autem, qui calum-
niam

niam subterfugere satagebat, fretus os iniuriæ, nec minimum à principio passum fuisse, id hilari vultu præstitit, inuenitq; ingentem sub cranio puris copiam, ac cerebrum ex ea parte liquatum, ac in pus versum. Hoc in ore cespitare solent, qui crassa quadam tantum ac fallaci experientia artem hanc exercent: quod utique non contingeret, si in Galeni, Hippocratisq; libris infudarent, vel saltem artis peritis inferuirent, quam diu artem callerent. Quod tamen semper facere abhorruit audax ignorantium turba. Ex similibus ædipol & alia enumerare possem, verum hoc exemplum sufficiat, & quod intelligatur, quam facile sit ex capitis vulnere hominem interire, si perperam tractetur, licet ipsum simplicissimum, cutaneumq; sit, & ut in scientes, ignariq; discant, præstantius esse, sibi famam & ægris utile obsequium alieno consilio parare, quam stupido suo phantasmate utriusq; iacturam facere: sed redeamus ad susceptum consilium. Suauiter igitur, quantum fieri possit, tractanda sunt vulnera, dicti Hippocratis, & Galeni semper memores, ut tuto scilicet, celeriter, & sine dolore, pro posse operemur, partes vulneri circumiacentes singulo quoque die abstergere, ac ab omni immunditia nitidas conseruare oportebit, quo ex quacunq; parte humores in halitum resolui parati patentes vias habeant, non autem sorditie obstruas. Fasciæ præterea tantum ut medicamenta immota *Fasciæ* contineant apponuntur: quare ne stricte sint, attendendum est: siquidem ex (præcipue non assuetis) grauedinem excitant. Supremo loco sita, quæ afficitur particula, minus *Ritus* autem illuc feruntur redundantes humores. Verum si pus abundantius fluat, decliue vulnus situm quandoq; adiuumentum feret. Aluus lubrica conseruetur, clysteribus, vel *Aluus mel* balanis, vel vnica pilula assumpta ex agarico, & aloe, singu- *lis* lo die, vel alternis diebus, nisi sponte excernat. Sit victus tenuissimus, ad septimum saltem usq; diem, vel vndecimum

ad summum, vel decimumquartum, expanatella scilicet, cum minimo vel olei, vel butyri, aut (quod magis laudo) *Potus.* cum iure pulli: potus, aqua cum saccharo, ac parum, si lubeat, cinamomi cocta ab vndecima vel decima quarta, vino paucifero, pullis, epulis in iure caponis, vel vituli coctis, vt pane trito, vel cōdro, vel amygdalato, & similibus nutriatur: parcè tamen, ac horis suis, cœnam prandiumq; summat, quantitatem autem non modò cibi, sed & medicamentorum, vnicuiq; determinatam ac propriam scientificè describere non possumus, sed à morbo, virtute, patientisq; consuetudine petenda est.

De Thorace. Cap. XVII.

Thoracis vulneris curatio nullo alio discrimine ab ea, quæ aliarum partium est, seiungitur, quàm differentiarum partium ratione: affectus autem idem est in omnibus partibus. Hæc tamen inter se diuersitatem patiuntur non minimam, quare & curam hæc nos aliquo pacto cæteris dissimilem cogimur describere, prout partium diuersitas postulat. Si igitur illud duntaxat extrinsecus fuerit, vt reliqua vulnera curandum erit, primis scilicet duobus diebus vnguentum ex præcipitato, vel alio quopiâ, si hoc præsto non fuerit, eadè facultate prædito, vel solo butyro, adiunges postea ea, quæ leuiter abstergant, exsiccantq; vt mel rosaceum simplex, vel cui sit addita terebinthina, aristolochia, farina hordei, & similia. Nec ab re erit, à secunda die ad quartum parum butyri recētis abstergentib⁹ medicamentis immiscere, deinde illud auferre. Forma autē talis erit: Re. mellis rosati an. j. terebinthinæ, butyri recentis, an. 3. iij. farinæ hordei, aristolochiæ rotundæ, an. 3. ij. misce, & lychnia, puluillosq; inpongas, qui vulnere imponi debent. Super vulnus verò hoc aliud superpone. Rec. album vnius oui, olei rosati. an. j. boli armenæ

armenæ an.j.β. omnia diligenter rudicula incorporentur, & panno per tres digitos circumquaque vulnus capienti in posca infuso, ac expresso, superponatur, & parti applicetur frigidum, si æstas sit: tepidum, si hyems. At loco huius, vbi pus apparere incœperit, vel emplastrum ex chalcitide, vel tripharmacum ex oxelco & argenti spuma confecto, super panno extensum, sic vt spatium tantum vnus digiti, circumquaque vulnus amplectatur, appones & cum absterfum conspexeris vlcus, nullaq̃ue abundante humiditate molestum, vt vulnera cæsim facta, quibus carnis aliquid deest, curabis. Ad cuius intentum tale medicamentum laudamus. Recipe succi myriophylli, mellis rosati, terebinthinæ, an.j. farinæ fabarum, farinæ hordei, an.3.ij.β. thuris, aloes, aristotolochiæ rotundæ, an.3.j. ad ignē omnia rudicula commoueantur, incorporenturq̃; ex quo lychnia intingantur, vel isis epigoni. At si in cauum glans permeauerit: lethale est, etsi organorum internorum nullum offensam aliquam ex vulnere suscepit: non penetrant autem sine aliqua ossis læsione, nisi ordeolum plumbeum tantum sit, quod vulnus infert: nam hoc intra costarum sp̃atia permeare potest, illæsis ossibus: glans verò non sic, sine costarum, vel reliquorum quorundam ossium thoracis fractura. Hinc fit, vt & dolores excitentur, & phlegmones fiant, ad quæ frequenter mors subsequitur. Verum enimverò non *Medici* Medici est, vniuersos affectus sanare, sed tantum quæ *MYRIN* artis sunt, eorum nihil omittere: ob id enim neque ope destituenti sunt ægri, neque spe. Nam sæpe vt mortuos destitutos, viuere vidimus. Præterea & qui moriuntur, minore anxietate, ac cum salutis spe vltimum vide agunt. Secus autem qui à Medicis & ope fuerint derelicti. Sagax igitur artifex, neque deploratum penitus destituet, neque serò quod prænouit, periculum, vel mortem præfagire differet. Agendum si pulmo, vel metaphrenon, vel pericardium vulnere

vulnere sint affecta, salutis spes nulla relinquitur, sed curandus est æger (vt iam dictum est) quò minore morore residuum temporis vitæ suæ transcurrat. Si vel cor, vel magnarum arteriarū, venarumūc aliqua sint laccra, euestigo moritur acutum autem cum spirituum, vel sanguinis effusione, & anima ipsa effluit, quare neque opus medicum desideratur. Penetrationis autem signa, sanguinis sputum: infallibile autem per vulnus respiratio. Pulmonis verò ostendunt tussis assidua, sanguis spumofus, per os, per vulnus ūc emissus. At cordis, sanguinis nigri, magnarum venarum venosi sanguinis, ac multi, magnarum arteriarum serosi, ac rubri sanguinis emissio, ad quæ extemplò mors sequitur. Sed si vulnus penetrans sit, sine organorum intrinsecorum lēſione, salutis adhuc spes aliqua habenda est. quare si glans intra ceciderit, sic vt per vacuum erret, ocyus laborandum est, vt educatur: aliter modò metaphrenon, modò pericardium, prout æger mouebitur, comprimet, ac asperitate sua vellicabit. Situabis igitur ægrum sic, vt partium thoracis infima sit, quæ afficitur, mox specillo flexibili, aureo puta, vel argenteo, vel æreo, in hanc formam flexo, circum



vulnus molliter peruestigabis. Verùm si illa non appareat, iube ægrum huc atque illuc moueri. Sitis super lecto, vel mensa stratus, ac vulnus prouum semper: & cum glandem inueneris, specillo in cuspide lato, in huncque modum reflexo.

Versus



Versus osculum placidè trahe, quæ gruino, aut coruino ro-
stro prehensâ educatur. Quòd si parum per vulnus amplia-
re oporteat, per costarum longitudinem sectionem facias,
non maiorem tamen, quàm glandis exitus requirat. Hic
autem est modus aucupandæ glandis, & in pectore, & in in-
feriori ventre si contingat non (vt imperiti quidam faci-
unt) qui sedente ægro, recto specillo, aut quouis modo,
vel sine arte flexo, glandem venantur, vltro, citroque per pe-
ctoris, ventrisque cauum illud nulla experientia, nullaque
industria vagum ducētes. Duçta igitur glande, ac sanguine
(si fuerit) (exit autem sanguis, nisi congelatus sit, sine labo-
re, ac sola vulneris inclinatione) vulnus hoc vnguento cu-
rabis: Recipe olei rosati omphacitis 3. iiij. terebinthinæ 3. j.
pulueris præcipitati scrup. iiij. omnibus inuicem bene mi-
stis clauus intingatur. Hoc autem primis duobus diebus sa-
tis faciet, non vltià. At, quod silentio prætereundum nō est,
cū in hoc plures errent, præcipuè qui anatomen ignorāt,
sit clauus ex panno mollißimo, non magnus, ne premen-
do liberum transpirationis motum impediat: nec longus, *Penicillus*
nec pulmo suo cōtinuo motu, ac carnis mollitie illum per- *qualis.*
fricando exulceretur. Satis igitur superque erit, si longitu- *Longitu-*
dine pleuram attingat, magnitudinē quantum oscum, ad *do qualis.*

pus (si fiat) vel sanguinem (si intus remanserit) educendum, patens conseruet: suprâ autem more emplastri, donec pus apparere libere incœperit, misturam applicabis ex ouorum albo, rosaceo omphacitide, & bolo armena, vice huius (vulnere coctionem indicante) vel barbarum, vel ex chalcitide confecta emplastra, superpones, clauos verò à secunda die hoc medicamento inunges. Recipe butyri recentis 3.ij. mellis rosati an. β. terebinthinæ, vel glutinis albotin. 3. iij. albes, farinæ hordei, pulueris ireos, an. 3. j. misce. Elapsis octo diebus butyrum amoue, & mellis dosin dupla. Intra thoracem, si sanguis coactus sit, vel opus colligatur, metrenchite inijci poterit, vel mulsâ simplex, vel in qua sint cocta liquiritia, carice, & passæ vuz, in hyeme addito aliquid praxij, vel minoris centaurij, vel lupinorum. Sed præter hæc & vulnus quandoq; non penetrare à principio videmus, quod succedentibus diebus transpirabile fit, quoniam putrescit interior membrana, si contusa sit: at diuerso modo à supradictò non curatur, nisi quodd in hoc clauus penetrâs imponi nō debet, sed ocysimè quantum fieri potest, ad incarnationem, & cutis regenerationē properandum est. Non enim ex hoc sanguinis vel puris à thoracis cauo aliquid educere speramus. Secus autem ubi à principio peruasērit. Atqui neque omnino vacat periculo, sed medium est inter hoc & illud, quod carnosam partem tantum sine penetratione infestat. Caterum prouidere ne ingrauescat sanabilis affectus, non parua res est. Porro prouidendi ingenia artificii mediocriter exercitato, statim se exhibent, cum causas prænouerit: Sunt autem magna ex parte fluxiones, quæ tantò plus molestæ sunt, quantò replētius, vel mali succi patientis corpus inuenerint, ac iterum inualescunt magis, si extrinsecarum causarum aliqua, vel aliquæ in eorum fauorem

Prouisio.

uorem intendant, vt puta immoderatus motus, inordinatum ac malum victus regimen, & cetera similia, quæ subijsunt. Sit igitur hoc tibi prouisionis principium, primò circumpositas affectui partes repellentibus munire inuncta parte oleo mellino, vel myrtino, vel omphacitide rosaceo, vel omnibus, vel quibusdam ex ijs mistis, pannum in omphacio, vel oxycrato madidum, ac pressum superpones, sæpius die noctuque renouando, frigide si æstas, calide si hyems fuerit: & hoc quandiu phlegmonis aduentum timemus, cuius nos tutos reddet vulneris suppuratio: ab ijs statim curato vulnere (modò ne cibus nuper præcesserit) venam secato ex opposita patientis parte mediam vel basilicam. Quòd si prima die id factum non sit, & pars affecta quoquo modo phlegmone molestari incœperit, ab eadem parte venam tunde, & tantum sanguinis euacua, quantum patientis vires indicabunt, non spreto quod ab ambiente sumitur indicio. Corpus deinde purgato, præcipuè si malis succis sit refertum, tales educendo humores, quales prædominium habere compræhenderis. At hoc maxime attendendum est, ne vomitum moucant pharmaca, quotiescunque in aliquo ventre acceptum fuerit vulnus. Caput enim replent, & thoracis vniuersasque partes violento motu vexant, ac quandoque faucinant. Nam hæc repetere fortè quandoque iuuabit. Medicamentorum autem formæ tales erunt, ad bilem primò respicientes. Recipe rhababari electi, & subtiliter puluerizati, vnciam vnam. *β.* cum iuleppe violato fiat bolus, quem capiat hora electa, & statim superpōtet infra scriptam potionem. Recipe syrupi rosati laxatiui an. un. ij. aquæ buglossæ tantundem, misce: capiat subito post assumptum bolus. Si autem hyberno tempore fuerit, Recipe rhababari electi vnciam vnam, agarici optimi 3. *β.* cinna-

*Quibus
uidendum*

*Sanguis
misio.*

Purgatio

momi, scrup. i. omnia in subtilissimum veluti pollinem re-
 dacta, cum melle rosaceo fiat bolus, quem capiat hora ele-
 cta, cui repentè superpotet infra scriptam potionem. Reci-
 pe mellis rosati colati an. iij. aquæ buglossæ an. ij. misce.
 Hæc sint satis de purgationibus. Aliquot item infra descri-
 ptas comperies ad propositum. Id nosse nunc satis erit, aga-
 ricum, rhabarbarum, & similia, si in bolis disponantur (vt
 fecimus, sic vt amaritudinem gustus non percipiat,) vom-
 itum non facile ciere. Secus autem si in potibus dissoluan-
 tur, vel infundantur Verùm si in corpore boni habitus con-
 tingat, facta sectione venæ, fortè sat erit, vincula administra-
 re, & aluum clysterijs mouere. Situs pariter ad bonam pro-
 uisionem non parum conducit. Præstat autem vt vulnus
 supernè si tuctur: nam pulmo, si circa eiusdem regiones il-
 lud sit, continuò suo motu, nō tantū vulnus perficando
 recrudescet, sed sibi æquè obest: si nanque vel sanguis, vel
 pus sit collectum, sat erit quandoque se super vulnus inuer-
 tere, vt illa exeāt, nō perpetuò suprā illud insistere. Pauca lo-
 quatur æger, propter laborem: nam longo sermone defati-
 gantur omnes thoracis partes. Tussis præterea nō infestet,
 laborandum est. Aër temperatus sit, vbi ægrotus moram
 trahit, ne intrinsecæ partes thoracis, frigidiorē aëre quàm
 fuerint consuetæ, tristentur. Facile siquidem tussi exagi-
 tatur refrigeratus pulmo. Quare ocyssimè curandus est æ-
 ger, ne diutius per vulnus aërem trahat. Nam etsi is calore
 vel frigore non noceat, infestabit tamen sua siccitate, qua
 facillimè pulmones molestiam suscipiunt. Parcissimè nu-
 triatur, quoad symptomata mala verentur, puta panatella
 in iure pulli, vel cum oleo oliuarum dulcissimo, vel oleo
 amygdalarum dulcium, vel recenti butyro. Potet mulsam,
 si non abhorreat, aliter aquam cum abundanti siccario, &
 caricis, vel passis uvis, vel liquiritia. Elapso symptomatum
 timore, pullinis, vitulinis, caprinis, auiculis, onis, & simili-
 bus,

vincula.
Clysteres.
Situs.

germo
breuit.
Tussis.
Aër.

Cibus.

bus, ac vino paucifero parcè nutriatur, sicut ad consuetudinem paulatim regressum faciat. Animi motus non modò *Animi motus.* hîc, sed in omnibus reliquis curis cogendos esse supponimus, quemadmodum & moderatos somnos cõciliandos, si molestæ fuerint vigiliae, ut in vulneribus iuncturarum sæpe accidit. Verùm enim verò non rarò, præcipuè tamen in vulneribus punctim, vel casim factis, sanguis collectus, ac coactus in thorace retinetur, qui postea ægris negotium facessit, ita ut nisi artis peritia succurratur, ad interitum sine spe salutis labantur. Quamobrem fore nunc iustum existimaui, quo ingenio ijs opem ferre liceat, explanate, ut eos artificis metu exuamus, qui formidine oppressi, quod ipsa ars potissimùm exigit, minus tentare solent, ut nonnullos, quos in hoc casu, ac in alijs, in quibus non erant exercitati, & monui, & obiurgavi. Quum igitur sic sanguis in thorace remanserit, qui per vulnus commodè educi non potest, vel quia hoc paruum est, & supernis partibus iacet, vel quia in loco est, qui plagæ dilatationem sine maioris noxæ periculo sufferre minimè potest, ut circa spinam exitus alius tunc parandus est. Sed ut is & in loco minus molesto, & opportunè fiat, idcirco signa indicantia, & locum aptum ad institutum hoc priùs exponere licebit. Proinde si sanguis in thorace cauo collectus fuerit, pondus super septo tràsverso semper, dum rectus manebit, percipiet eger: & si pronus, vel stratus huc atque illuc se circum voluat, prout mouebitur, illum fluere, ac refluere sentiet: respiratio magis impedita erit, cum rectus perstitit, vel si stratus sit in partem sanam vertatur, sanguinis quicquam, vel puris cum sputo miscbitur, non tamen ut sanguinem per se expuat, nisi pulmo sit vulneratus. Tussis, color faciei ad plumbeum vergens, oculi caui fient, & respiratio quoquo modo putida. Hæc cum apparuerint, sanguinem, vel pus, in thorace esse intelligere oportet, exitum liberum postulantia. Plus autem thorace

Indicantia sanguinem in pectore.

similiter colligi potest, etiam si ab accepta plaga sanguis illuc minimè descenderit. Ex purè scilicet quodà proprio vulnere paulatim in cauum effluit. Exitus itaque fieri potest inter tertiam & quartam costam, incipiendo ab inferiori parte, vel inter hanc & quintam, vel adhuc inter hanc & sextam: sed suprà hanc incō modissimè euacuari pōt, quod in thorace cōtinetur: & infrà tertiam suspectissima, imò & lethalis est incisio, propter septi transversi contiguitatem. Ab eo verò, qui inter tertiam & quartā est, facillimè expurgatur, & nō multi periculi. At media est etiam purgationis facilitate, quæ inter quattam & quintam fit, & minoris periculi: quapropter semper inter has duas sectionem & feci, & fieri iussi, vt plurimū cum foelici successu. Sedeat igitur æger super cathedram, & inclinet aliquantulum versùs sanam partē: vel si imbecillis sit, stratus super lectū sanam partem reponat, & è directō sub axilla, vbi ferè cubitus cadit, nouacula bene scindente secentur muscoli intercostales inter iam dictas costas, & cū ad pleuram perveneris, leuiore manu illam feces, ne nouacula impetuosè inuento vacuo septum transversum exulceret, sāt erit osculum facere, quātum oliuæ folium intrare possit: quo factō, æger in partem hanc paululum inclinet, quò vel sanguis, vel pus exire valeant, ne tamen in totum educantur, sed paulatim in sex, vel octo diebus, vel quindecim, si contenta in multa copia existant, quibus diebus metrenchitemplā temperatè calida iniiciatur, laneturque, in qua hyssopum, prassium, caricas, passas vuas, si velis, coquere poteris, si valentius, vel exiccare, vel calfaceri velis. Verūm vbi neutrum horum desideratur, sola mulsā per se sufficit. Verūm enim verò quod animaduersione adhuc dignissimum fore existimo, est (præsertim cū inter tertiam, & quartam costam facta fuerit sectio) vt metaphtrenon, quod ibi maximè propinquum est, lancinare caucas, vel clysterijs fistula vltra modum im-

posita,

posita, vel lotiōe vi impulsā: quapropter tutius, imò etiam
 vtilius erit, clysteris fistulam non vltra pleuram immittere,
 & lenissimè quantum poteris, lotionem infundere. Ab ijs
 osculum apertum confectur clauo, ex filaminibus, vel
 panno leui lineo confectō, qui nec longus multū sit, ne
 septum transuersum tangat: nec durus, nec crassus valde,
 ne vi immissus dolorem faciat. Hunc autem oui albo pri-
 ma die imbuere poteris, & circumstantes partes vnguēto ex
 oui albo rosaceo & bolo armena duobus tribusue sequen-
 tibus diebus, illiniatur clauus vnguento ex terebinthi-
 na, oui luteo, & croci parum, confectō, mox melle simplici,
 vel rosaceo, si magis velis: quibus (si libeat exsiccare aliquā
 tulum magis) iridis puluerem, vel aristolochiam, vel si-
 milium aliquid adijci poterunt, pro cataplasmate confe-
 rentissima erunt ex chalcitide dictū emplastrum, vel quod
 ex oxaleo, & argenti spuma paratur. Cum thorax mundus
 & vacuus fuerit, & osculi carosana, & puris vel minimum,
 vel nihil in cauum amplius colligitur, tutò eo tēpore con-
 solidari potest apertura, ante sectionem corpus purgare,
 vel sanguinem mittere, si vires ferant, oportet: quod si hæc
 non satis respondeant, crura vincire fortius oportet, præ-
 cipuè in hora operationis, item & diebus aliquot succeden-
 tibus, nō spretis frictionibus, clysteribus, victus rationem si-
 militer patientis virtuti conferendo.


De vulnere ventris inferioris. Cap. XVIII.

INferioris ventris vulnus si epigastrij tantū partes infestet
 vel circa lumbos absque penetratione, & spinæ læsio-
 ne sit, non secus ac vulnus simplex in carnosâque parte
 acceptum curandum est glandis scilicet educatione primò,
 mox contusæ ac laceræ carnis ablatione medicamentis ad
 hoc dicatis, eo videlicet, quod cum puluere præcipitati
 paratur, vel Aegytiaco leuiore, vel alio quopiam simili, qui-
 bus accedat à secundò die conueniens abstergentium
 cum

cum leniore exsiccatione vsus. At si glans in cauum vsque peruaferit, & partium internarum aliquam, puta hepar, vel splenem, ventriculum, vel intestina, siue ea gracilia, siue crassa sint, vel vesicam, vel venarum arteriarum uel magnarum aliquam, siue renes fauciauerit, spes salutis penitus frustratur. At si nullum horum vulnere affectum sit, & glans e-
ducta, bene sperandum est: verum non sic, vt periculi ex-
pers omnino dici possit. Quare cautum artificem esse oportet, non tantum circa agenda, sed & circa prognosticum, ne ignominiam ex perperam facta prædictione sibi asciscat. Si igitur glans sine prædictarum partium læsione epigastri-
um vtrinque peruaferit, vt mihi vidisse aliquando cõtigit, curationis modus ab antedicto non varius est, quantum ad id, quod ad vulnus ipsum spectat. Nec hoc ampliandum esse laudo. Nullius autem frugis erit, sed damni potius. Nam quo maius osculum redditur, ab extrinseco aëre magis læduntur viscera, vnde & maior redditur affectus. At si partiũ dictarum aliqua vulnerata sit, proficiet vtiq; nihil epigastrii osculum latius reddere. At si glans intus remanserit, & certum signum nullum habeas de læsione dictarum partium, laborandum est, vt educatur, ægro super vulnere decumbente, huc atque illuc se ducente, sicut tamen, vt vulnerris osculum versus solum è directo prospiciat, mox specillo flexo, prout in vulnerris thoracis curatione, dictum est, ab artifice exercitatio peruestiganda est, & inuenta educenda. Quod si inueniri non possit, & vulnus in parte sit, quæ dilatationem sine multo discrimine pati possit, ampliando est per musculorum longitudinem, quantum digitus index facile possit immitti, sed pro dilatatione instrumentum omnino acutæ cuspidis, expers sit, ne fortuna intestina pungetur. Quo facto iterum æger super binas mensas paulò inter se distantes reponatur, ac stans super vulnus decumbat, & imposito digito, moueatur huc, atq; illuc æger, parte item faucia-

fauciata, continuò versus solum inclinata. At si inueneris, educas: quòd si non, finito. Aliquot hercle vidi in inferiore ventre cum peneratione fauciatos, qui cum glande superuixerunt: quod non foret, si eam perquirere, ac extrahere conati fuissetus. Inter quos superstes adhuc viuit Paulus Bergomensis loricarum faber, qui Cherij habitat. Is autem vulneratus fuit paululùm super inguinem dextrum cum penetratione, à quo glans educi, nec inueniri potuit. Non tamen vt vulnus ampliaretur permisi: sic nostro consilio (post numen) adiutus est, & sanus viuit, ferens in ventre glandem intus, igitur permittenda est potiùs, quàm periculofam sectionem facere, vel eam cum minima, vel fortè nulla spe optati finis potiundi. Cura præterea vulneris modo iam supradictò prosequenda est. Quòd si sanguinis aliquid in ventrem fluxerit, vino mulso, calidoque lauetur. Idem fac, si pus introcat: & quum ventrem sanguine & pure vacuum videris, & vulnus mundum, beneque dispositum, consolidationi, glutinationique, quanto celerius fieri potest, attendendum est, primò carnem replentibus, si hæc desideretur: vt Rec. thuris, aloes, farinae hordei, an. 3. j. terebinthinæ puræ, mellis succi myriophylli, an. 3. ij. cum succo primitus, misceatur farina, deinde ad ignem dissolue terebinthinam, & mel: quibus simul addantur omnia, & optimè misceantur. Hoc vnguento illinantur lychnia, & puluilli ex mollissimo carpentaro linteo. Pro cataplasmate diachalcitidem, eo niote paratum, ac ipse affectus indicabit, appone. At cum carnem, penè quantum conueniat, creuisse videris, ad ea, quæ adstringunt cum exsiccatione recurrendum est, vt mel cum puluere balaustiorum, mastiche, & terebinthina: pro cataplasmate verò chalcitidis, cui sit mista decima pars aluminis rochæ. Præterea fouere vulneratam partem spongia in vino madida, in quo sunt cocta balaustiũ, alumen, & sicca rosa, à fomento siccet, & medica

mentis dictis curetur. Si autem ex vulnere exciderint in testina, & flatu tumeant, hunc fomentis calidis ex aqua, vel quod melius est, vino calido dissolvere laborandum est, illaque in ventre reponere. Quòd si ijs præsidij non iuueris, dilatare vulnus cogeris. At hic summa diligentia vti decet, ne intestina sauciantur. Situetur igitur æger, vt vulnus sursum vergat, deinde laminam habeas corneam, ex qua lanternæ fiunt, si autem semipedalis longitudinis, ac tantæ latitudinis, quantum vulnus concedit, in hac puta forma parata.



Hanc (inquam) à tenuiore parte in vulnus mittes, quæ per binos transversos digitos ad summum infra peritoneum descendat, reliquum verò sinistra manu flectatur versus vuleris partem sectioni oppositam, sic vt eadem manu, quæ exterius sunt intestina, immota, ac sub lamina teneas, quo ad sectionem feceris. Nouaculam autem ad hoc munus sat commodum instrumentum est, & modus dilatandi tutissimus, ac facillimus. Tanta fiat in abdomine apertura, quantum ordine reponi possint intestina: & si epiploon exciderit pars aliqua, eaque liuida, ac nigricans sit, ligetur filo serico, vel lineo, & quod extra vinculum remanet, totum amputetur. Nec filum longum relinquere est necesse, quin imò nequetutum, vt Galenus in vulnere ventris cæsim facto iubet. In missis intestinis glandem perquire si oportet, & (vt suprà dictum est) curæ reliquum perficies, suta tamen primò plaga cæsim facta, perinde vt fiunt vulnere ventris, quibus futura debetur: nec secus eadem pars curari debet, ac vulnere secta, oui albumine primò, mox terebinthina cum aristolochia, & similibus. Sed nec hîc prouidentia
sub

sub silentio sunt prætereunda, quæ primis diebus magis conueniunt, puta phlebotomia ex brachio eiusdem partis, verùm non copiosa multum, si tantùm epigastrium fuerit affectum, purgatio, vincula brachij administrata, tibijq; tenuis victus, quies, vulnus supernè situatum, nisi quandoque per id pus, sanguinemque percolari velis, alius mollis medicamenti (nisi spontè & liberè deiciat) conseruetur.

De cura artuum. Cap. XIX.

MOdò itaque expletis curis, quæ capiti, thoraci, & ventri inferiori debentur, superest, vt reliquarum partium vulneris curationem exponamus, brachiorum scilicet & crurium, per quæ nunc intelligimus totum, quod infra ischion, & infra humerum continetur. Si itaque vulnus in sola carnosâ parte constiterit sine persuatione, specillo glans perquirenda est, & inuenta rostro aliquo educenda. Et quia hæc (nisi statim ab accepto vulnere sit) difficilè inuenitur, oportet membrum in altum leuare, quò iterum descendat. At si non inueneris, omitte: neque enim propterea vulnus ampliandum est. At si ex opposita parte cutaneam se ostenderit, ibi aperire, ac illam educere licebit, attentus semper, ne ex venis maioribus, quæ versus cutem feruntur, aliquam seces. Si autem vtrinque peruaserit, labore venandæ glandis absolutus, curationi attendendum est: cuius processus talis erit: Si distent inter se foramina, tunc lychnus subtilis ex gossipio retorto, vel mollissimo linteo paratus specillo instar acus, ex altera parte perforato, vtrinque ducendus est. Quòd si transitus liber non sit, propter musculos, qui mutato membri affecti situ, illum intercludere quandoq; solent, non propterea vi (vt plures faciunt) stamulam vltro educere nitendum est. Nam sâr erit ex vtraq; parte clauum linteum imponere, & vnguētum in vulnus in-

stillare, quò in profundas partes feratur. Vnguentum autem est id, quod laudare consueui, ex butyro, & puluere præcipitati, vel ex mitiore Aegyptiaco: verùm in corpore sano sæpe solo butyro, quoad caro contusa separari incipit, contenti sumus. Sed expeditius segregatur, si duobus primis diebus vel primo tantùm præcipitati puluerem addideris, quo vnguento illinantur lychnia, vel clauis, vel puluilli, qui vulneri immittuntur, supra verò circumstantes medicamentũ, quod ex rosaceo, oui albumine, & bolo armena paratur. Hoc autem tutò vti poteris ad quartam vsq; diem, & vltra si phlegmone timeatur. Apparente signo aliquo concoctionis, simplo butyri duplum mellis adde, quoad bene coctũ pus esse noueris: cui mox succeder vsus istius sequentis. Rec. succi apij, succi myriophylli, terebinthinæ, an. ̃. j. mellis ̃. ij. farinæ fabarum, farinæ hordei, an. 3. ij. aristolochiæ rutundæ 3. j. ̃. alocs 3. j. primò pulueres cum succis, & melle ad ignem immisce, mox terebinthinam, & aloen adde. At si in magno æstu sit, vel pars affecta aliquo calore tentetur extraneo, loco apij, succum plantaginis adhibe: & si abstergere magis velis, dosim mellis auge, vel succum chelidonij immisce. Quòd si siccare magis, lithargyrum subtilissimè tritum, calcemuc sæpius lotam, ac siccata impone. Quum autem vulnus abstersum bene, in quo non superabundet pus, perceperis, ad ea, quæ carne replent, deuenire licet: vt, Recipe terebinthinæ ̃. ij. mellis ̃. j. alocs, thuris, farinæ hordei, ana. 3. j. aristolochiæ 3. ̃. misce.


Attendendũ est, vt hoc tempore, & subtiliores, & pauciores clauifiant, et si lychnium vtrinque sit ductum, apparente plagæ mundificatione, statim auferendum est, & clauos exiles immittere, eosq; in dies breuiores reddere, non secus, ac si vulnus cæsim factum curare intelligas. Verùm si ossa fracta fuerint, maiore diligentia occurrere operæpretium est, cum propter morbi iam facti magnitudinem, tum

propter

*Si ossa
fracta.*

propter futuri timorem. Non enim in ijs faciliè corriguntur inflammationes, quibus tamen facillimè corripuntur. Vulneris igitur huiusmodi curatio diuersa medicamentorum genera à suprascriptis non requirit. Sed vehementiùs attendendum est, ne dolores fiant. Ij autem excitari vehementer solent, vel situ membri improprio, vel niolesso eiusdem motu, vel ligatura strictiore, vel munimentis, co- *Dolor qui*
 operturisue parcius, vel abundantius appositis, quò frigus *bus sit.*
 patiat, vel abundantius calor incenditur, vel medicamentis facultate calidis, vel viscositate sua fuliginosos halitus perspirare prohibentibus, vel immoderato repellentium usu, quo affecta pars calore innato exuitur, aut concentratus magis inualefcit, sic vt stipata cute aestuet, vel aliqua repungente, vt ossis frustulum, vel ex humorum multitudine, sine vitio, in patientis toto corpore, vel aliqua parte contentorum, ad affectam partem fluentium. Caterum ex multis erroribus cum ab ægris, tum ab ineptis Chirurgis commissis, qui nimia curiositate, non rarò ossa educendo, glandem venando, vulnus dilatando, contrariam partem aperiendo, ægros dolore iugulant, circa quæ omnia sollicitum esse vulnerarium oportet, vt ratione morbo ob stare valeat: quod facere (non nisi casu) poterit causam affectus, si ignorauerit. Hæc repetere nunc libuit, quo in rebus periculosis, in quibus inconsideratè frequenter præcipitant parum in exercitati, attentos eos magis reddamus. Quum igitur ægrum curandum habueris, & glans in membro adhuc sedet, patientem super strato, vel mensa decumbere facito, & artificiosè, cum minimoque dolore, glandem aucupare: quam si inueneris, educa. Verùm animaduerte, ne deceptus os trahas, ratus glandem esse. Ossa autem, nisi omninò sint à membranis seiuncta, vi educi non debent, vt suprà in proprio capite dictum est. Curabis igitur vulnus, perinde vt simplicis curationem descripsimus, siue glans utrinque

peruasērit, siue non. At curato vulnere vena secetur ex opposita parte, nisi repenti sit à cibo, deinceps in strato repositus affectum membrum accommodabis, quò quiētum, ac immotum, pro viribus conseruetur. Quod sit si instru-



mentum cauum ad huiusmodi formam ex ære, ferro, ligno, prout fieri solet in fracturis, vt membri forma indicat, paraueris, gossipioq; vel stuppis mollioribus munieris, ac in eo commodè illud reposueris. Membrum autem nec vitta, nec alio ligamentorum genere stringi, nec ligari debet, ne coactus sis in quacunq; curatione illud mouere. Fieri autē non potest, quin doleat, dum fractum membrū mouetur. Præterea non perinde vt in simplicibus fracturis commendantur ligaturæ, sic, & in hac conferre censendum est. Nam in illis reunitio tantū affectæ partis expectatur: hic autem primò extranearum rerū ablatio, mox deperditi regeneratio, quæ non nisi temporis diuturnitate fiunt. Quib⁹ succedere debet separatarum partium vnitio, aut (si malis) copulatio. Pro qua re satius erit, absq; ligaturis illud immotū, & situm, atq; naturalis illius figura expetit, seruare, tantumq; illud pannis tegere, ne aëri expositū malè habeat. Sed quia quandoq; vulnus in membri parte est, quæ super strato reponitur, vt posterior cruris, vel brachij pars, sic vt nos cogat, quacunq; hora curationis ipsum eleuare. Quò igitur minore motu, minoreq; molestia id fiat, instrumentum iam dictum ex ærea lamina, in quo membrum reponitur, scindatur, vel perforetur ea parte, qua vulnus residet, sic vt commodè hoc videri, curariq; possit, dū simul cum instru-

ro è



to è strato membrum leuatur: vnde renouatis vnguentis in proprio loco recondatur, sub vulnere nitidum gossipium, vel linteamina munda, quacunq; cura innouato, ne sua putredine putridū & vlcus reddat. Præterea in ijs molestæ sunt flammulæ, quæ vtrinq; ducuntur: in ijs autem ossium asperitates affiguntur, vnde nec sine dolore educi possunt, nec sine magno dubio sauciandi nerui, vel venæ lacerandę, quę quandoq; illic proximè offeruntur, quæ demum magnum negotium exhibent. Quare satius esse assero, exiles clauos ex molli linteo vnguento illitos immittere, quàm flammulasillas, quæ siquidem quandoq; & sæpe flammam in membris excitant. Purgetur patiens secunda vel tertia die ab accepto vulnere: sed ne motu patiens membrum grauetur, præcipuè si sit affectum crus è strato non surgat, sed vasculo sub natibus posito, aluum exoneret, donec os reunitum fuerit: quod infra dies quadraginta ad minimum fieri, ac reuiri non solet. *Purgatio.* Frictiones, ligaturæuè, in contrarias partes conferent, si ratione administrentur. *Frictiones.* Primis diebus tenuissimo victu, reliquis paulò pleniore est vtendum, perinde atque virtus, ac morbus ostendant. *Ligatura.* Quod genus curationis non aliter variatur, si sint iuncturæ affectæ nisi quòd cùm partes ex calore naturali magis depauperatæ sint, quàm carnosæ difficilius humorem ad eas fluxum concoquunt, *Vitus tenuis.* ægreque resoluunt. *Quare in- stura dis- ficilium em- rentur.* Quare maiore diligentia vt operæ pretium est, quòd non fluat humor, quod reuelleribus fir: & fluxus coquatur, & in pus ac in vaporem vertatur, ac expellatur.

Ad quod munus conferunt

Kk 2

maximè,

maximè, si vnguento ex præcipitato parato aliquid olei de terebinthina, vel balsami artificialis Ioannis de Vigo, vel Hipericonis, vel euphorbij aliquid addideris, vel quippiam tale, quod partis affectu naturalem calorem conferuet, ac roboret. In vulnere puta hoc vnguentum conferet. Recipe butyri recentis, terebinthinæ claræ, an. ξ . β . olei de terebinthina, vel balsami artificialis tantūdem, vel hiperici, scrup. 3. At in hyberno tempore, vel temperatura corporis frigidior totī compositioni addere poteris euphorbij. scrup. 5. supra vulnus vnguētum factum ex toto ouo cum rosaceo, ac farina hordei simul mistis, ac crudis, parum calidè si hyems: tepidè, si æstas sit. Nam partes neruosa difficulter ferunt frigidum, ac coctione celebrata ad ea, quæ mundificant, recurrere: quibus si balsami præscripti vel ireos, vel euphorbij aliquid addideris, proficies. Abstergentium medicamentorum vsus tamdiu iuuat, quamdiu ossa (si aliqua fracta sint) quæ reuniri non valeant, intus remanserint, quæ (nisi urgente necessitate) vi educi non debent, donec natura à membranis, ligamentisque expoliauerit, victus præterea tenuis: ac de his satis.

De vřu. Cap. XX.

*Si cutis
non exul-
cerata.*

*Vesicæ
prohiben-
tia.*

Vsti flamma ex puluere confecta, non alia ratione, nec alijs medicamentis curam postulāt, quàm illi qui alijs ignibus vruntur. Si igitur non exulcerata cutis sit, summo-perè prohibent vesicationem infra scripta vnguenta, videlicet oleū ex oliuis cum sale, vel oleum amygdalarum amararum simplex, vel cui parum salis sit admistum, vel oleum amygdalarum dulcium adiecto sale, vel illud, quod vulgaribus est familiarissimum, duplum scilicet succi ceparum, & simplum vernicis liquidæ. Si autem vesicæ, & vlcerationes aliquæ adsint, confice hoc vnguētū. In oleo oliuarū coquito ex secunda cortice sambuci, abundāter, deinde co-
colato

colato adde cerussæ partes duas, plumbi vñi, litargyri, ana partem vnam, in mortario plumbeo diu misceantur, & fiat linimentum. Vesicæ nec prima, nec secunda die sunt rumpendæ, sed tertia, vel quarta nam quandoque dissolutione sola sanantur. Quod si à principio aperiantur, dolorem diu inferunt, ac curam remorantur: sedatis symptomatibus flammam sequentibus curationis reliquum sequatur, non secus ac vlcera aliorum orta, prout eorum simplicitas, vel compositio indicabunt, non omisis in principio repellentibus, reuellentibusque, ac reliquis ingenijs præseruatiuis, perinde vt affectus magnitudo exiget.

De Phlegmone. Cap. XXXI.

QVanquàm nihil omiserit chirurgus eorum, quæ artis sunt, non modò quæ ad proprij affectus curam spectant, sed etiam ad symptomatum prouisionem, nihilo secius sequitur sæpe vt phlegmones affectam partem infestet, vel ob patientis errores, vel eiusdem malum succum, vel morbi magnitudinem: quare quomodo, quibusque ingenijs huc succurrere oporteat, hic inserere operæpretium esse duximus, ne etsi non omnia, quæ ad hoc nostrum institutum vtilia esse cognoscimus, describere intelligamus, eorum saltem, quæ maximè sint necessaria, quicquam omisisse videamur. Hic igitur phlegmonem dicimus inflammationem in parte aliqua nostri corporis ex impetu humoris *Phlegmon quid.* influentis excitatam. Cùm igitur hoc sit, si causa sit aliquis patientis error, is moderandus est. At repellentia affectæ parti, etiam si prouenerit ex causa alia, sunt apponenda, contrarijs verò retrahentia, vt vincula, phlebotomia, frictiones, balnea, purgatio, præterea quies, ac tenuis victus. At reuellentia (si ratione administrentur) quocunque morbi tempore conferre possunt. At quum fluere desinit, quod ostendent symptomatum remissio, ruboris scilicet, & doloris, ad dissoluentia transeundum est. Verùm non statim per se, ne

L.I calor

calor reuocetur, sed repellentibus admista, vt puta chamæ-
melū, cum oxycrato, vel lactuæ succo, vel polygoni succo,
vel cum ijs, similibusque mistum, vetustum oliuarum ole-
um, vel quod cum lilio, vel anetho, vel pulegio, vel ruta,
confectum est, vel alijs eadem potentia præditis.

Dolorem
sedantia. At quandoque molestissimos dolores facit phlegmo-
nes: quò fit: vt ad eos sedandos conuertantur auxilia. Leni-
unt autem dolores spongiæ in tepida aqua madidæ, vel la-
ctæ tepido frequenter immutatæ, vel cataplasmata, ex pane
vel frumenti farina, vel ex furfure in aqua, vel lactæ, vel sapa
cocta. Hæc autem duplici ratione iuuant, & leniendo do-

Quando
discutien-
dum. lore, & aliquid existentis materiæ dissoluendo. Dolore
remisso, ad discutientia te conferre oportet, vt fursur, vel
hordei farina, vel rosarum duplum, & camomillæ simplum
in simplo hepseme, & aquæ duplo, more emplastri cocta.
Vel Recipe florū rosarū crasso modo tritarum ꝑ. iiij.

Medica-
mentare-
soluentia. florū camomillæ ꝑ. ij. aquæ fontis partes duas, sapa par-
tem vnam: ad ignem bulliant, & fiat emplastrum. Vel Re-
cipe fursuris libram vnam, aquæ fontis partes duas, sapa
partem vnam: ad ignem fiat emplastrum, & calidè appli-
centur. Magis autem hæc discutiant, quàm quæ exgluti-
nosa aliqua materia parantur, quæ suo glutino poros cutis
occludentes transpirationem humorum prohibent. Præ-

Si dissol-
uentia nō
profunt. stantissimè autem discutit ex aqua calida fots. Verūm
quum phlegmones, discutientibus prædijs, doloremque
lenientibus oppugnat, illam ad suppurationem tendere
intelligere oportet: quare eo tempore medicamentis pus
accelerantibus auxilium præstandum erit: sunt enim ea,
quæ calefaciendi cū humectatione vi pollent, potissimum
quippe id perficit, quod cum calore aliquo glutinis instar,
cutaneos poros obturat. Hinc fit, vt vi suscepta innato ca-
lore, expeditè cōcoquat, quod cōcoqui est habile. Talium
igitur medicamentorum compositio ex triticea farina
cum

cum sapa & oleo sit, vel cum aqua loco sapæ: & melius, si *Pus mouē*
 calor multus in particula manifestetur. Quod si cum pitu- *tia.*
 ita fuerit mistus, humorque lentè coquitur, ex farina lini
 feminis, vel fœnugræci paretur cataplasma: nam vbi calor
 intrinsecus potentior est, externa ope minus eget. At quum
 pus iam collectum perceperis, nisi in magna sit copia, ad
 medicamenta dissoluentia confugies: nam sæpe collectum
 pus per insensibilem transpirationem dispersum vidimus,
 præcipuè si in parte carnosâ constiterit. At si dissolui sine *Quando*
 sectione non possit, secetur vbi cutis tenuissimam se osten- *Pus colle-*
 derit: nam ea pars est, quam infimam perpetuò intelligere *Hum est.*
 debemus, in aperiendis apostematibus. Hoc tamen factò,
 si sinum magnum inueneris, non penitus pus educes pri-
 ma die, sed paulatim succedentibus diebus euacuabis. Me-
 dicamenta præterea primitus, quæ mediocriter siccent, su-
 perponenda sunt, vt cataplasma ex hordeacea, fabacea que
 farina, cum lixiuij parte vna, & sapæ partibus duabus inco-
 ctis. In cauitate verò lychnia imbuta medicamentis ab-
 stergentibus, cum exiccatione, vt mel cum hordei farina, &
 puluere ireos, & similibus. Sed quum plerunque phleg-
 monem gangræna sequatur, oppidò perquam vtile erit,
 nunc de hac sermonem habere.

De gangrana. Cap. XXII.

Gangrenam vocamus, cùm pars aliqua nostri corporis *Gangre-*
 post vehementem inflammationem ad interitum la- *na quid.*
 bitur, nondum penitus extincta: fit autem hoc eodem mo-
 do, eademq; materia, atq; phlegmones ipsa, hoc duntaxat
 ab inuicem differētia, quòd scilicet in gangræna valentius
 sint impacti humores, & partis affectæ vasa omnia ad sum-
 mum expleta, ita vt nō perinde ac in phlegmone faciliè vel
 in halitus dissolui, vel in pus conuerti possint. Multitudine
 siquidē potius, quā humoris malitia, in hoc affectu suffoca-
 tar innarus calor: quòd fit vt neutrū illorū nō modò pagere,

verum neque tentare satis valeat, sed extemplo in sphacelon migret, nisi ocyus artificis ope leuetur. Curatio igitur repente soluere, quod extremè replectum est, quo rursus renutrirī incipiat. Sed, vt id facias, membri nigredo expectanda non est (vt quidam consulant.) Vanum autem est auxilium post mortem offerre. Verum tu quum videas membrum in magnum tumorem, & quoquo modo durum, eleuatum, ac inflammatum, quod liuescere incipit, nec diminuitur tumor, neque durities, tunc acu, vel leuiuscula scalpellatione cutem in varijs locis punge, vt intelligas an sensus adhuc integer sit: nam incipit sæpe magis ex vna parte, quàm ex alia, prout vel situs, vel dolor consenserint: ferè semper membri partem, quæ lecto non premitur, in gangrænam primò transire videbis. Nam sæpe id obseruaui, quod ratione deinceps comprobaui: pars autem, quæ lecto supersedet, premitur totius membri pondere. Quò sit vt vna eiusdem partis difficilè repleantur: quare & vltimò gangrænam experiuntur. Si igitur adhuc per omnes membri partes sensus fuerit, & vena aliqua in eodem membro manifestetur, hæc secetur, quantò propinquius tumidæ parti fieri potest, & sanguinem protinus mitte abundanter, dein de membrum isto vel similibus cataplasmatibus foveatur, Recipe farinæ hordei, lentium, an. 6. sex floris camomillæ an. ij. cum sapa, & lixiuio optimo, & æquis portionibus bulliant, & fiat emplastrum mediocris consistentiæ, quod crassum, calidumque, quantum sufferre commodè possit, super crasso linteo extendatur, & membro applicetur. Si vero sensus expers apparere iam cutis incœperit, eam absque mora multis plagis nouacula aperire oportebit, ac tantum profunde, quantum scalpellationes perfectè sentiat, distantes autem inter se duobus digitis transuersis, & per musulorum longitudinem: nam hoc remedio plures liberauimus. Atqui vbi sanguinis ex his plurimum effluerit, infra scripto vn-

Signa gangrænae.

Vna pars citius altera gangrænam sentit.

Cura.

Si sit absque sensu.

to vn-

vnguento eas replere oportet, Rec. mellis an. j. præcipitati an. β . misce, & vtere vel loco huius, vnguētum Aegyptiacū, & similia: verūm dolorosum est, nec æquē bonum, ac primum: ab ijs totum membrum infrascripto cataplasmate denso, ac calente, quantum sufferri potest, soueatur. Recipe farinæ hordei, lolij, lupinorū, & lentum, an. vn. sex, mellis partem vnā, sapa partes quatuor, lixiuij boni partem vnā, & ad ignem fiat emplastrum. Sat erit semel in die similia medicamenta ad mouere, nisi icoris plurimum emanauerit: nam tūc bis in die renouare medicamenta licebit. Duobus, tribus uē diebus præteritis à scalpellatione, medicamenta, quæ leuius abstergant, cum exsiccatione, & sine morsu imponenda sunt, vt hoc, Recipe mellis spumati an. j. terebinthinæ, an. β . aloes, farinæ hordei, aristolochiæ rotundæ, ana an. j. misce ad vsum. Suprascriptum autem cataplasma iuuabit, etsi per sex, vel octo dies in vsum venerit, verūm mutato lixiulo, vt scilicet eius loco vinum addas, vel solum, vel æquis portionibus cum sapa mistum. At cum plagas abstersas, beneq; digestas inueneris, perinde vt reliqua vlcera curanda sunt, sarcoticis scilicet, quoad cutem in ducere liceat, mox cutem generantibus. Sed nec abreerit, si validæ fuerint vires, ad contraria reuellere, sanguinis missione, vel purgantibus. Quod si virium robur satis non respondeat, ad ea te conferes, quæ sine euacuatione in contrarias partes humores euocant, vt balnea calentis aquæ, vincula, frictiones mediocriter asperæ, victus præterea (si vires ferant) tenuissimus, magisque in calidum, quàm in oppositum inclinet, & ambiens, & quæcunque apponuntur, ne tamen quid nimis. Aluus, si munus, suum non præstet, clysteribus excitetur. Si tuetur affecta pars, vt reliquis sibi continnis emineat, vel saltem non inferior sedeat. Verum enim uerò non rarè cum membra in siderationem, aut sphacelon (si sic appellare mauis) incurrant, opus labore non

*De sphace-
lo, & de
eius abla-
tione.*

indignum nūc me suscipere cenſebo, ſi quomodo & quan-
do illa amputanda ſint, ac quibus remedijs mox ſuccurren-
dum expoſuero. Aliquos mediufidius interire vidimus
propter ineptiam artificum, tum errantium circa principia
tum formidine huiusmodi operis. Quare hīc Chirurgus ex-
ercitatiſſimus deſideratur, ac omni formidine ſpoliatus,
intelligens præſtantius eſſe quicquam cum aliqua, quan-
tumuis minima ſpe agere, & minus tetrum eſſe, membrum
ſpe conſeruādi reſidui auferre, quā illi relictō, omni ſpe
dempta, totum corpus ſine præſidio tuto interire. Quum
præterea membrum ſphacelatum inueneris, extemplo ab-
lationi intende: nam facile continuæ partes corrumpun-
tur, ſi diutius moram trahas. Cognoscitur enim nigredine
ſua, & omnino motus, & ſenſus deperditione. Nam cū ad
oſſa, vel profundiffimas membri partes nouacula plagæ
multæ ſine ſenſu fiant, ſiderati iam membri firmiſſimum
argumentum eſt, quare ſcalpellando profundius verſus ſa-
nam partem, quoad ſenſum aliquem percipiat, percurrē-
dum eſt, quō certior ſias, quid auferre, & ſinere quid conue-
niat. Inciſio autem fieri debet inter terminos gangrænæ, &
ſphaceli. Nam quod omnino emortuum eſt, totum auſe-
rendum eſt, & quod ſenſum adhuc aliquem in ſe habeat,
quantumcunque obtuſus iſ fuerit, totum conſeruandum.
Nam id quod gangræna tantum occupatur, in naturalem
habitum referri adhuc poteſt. At in iuncturis iſſis inciſio
non fiat, ſed infra vel ſupra eas, ſic, vt ſi quicquam ſentiat,
puta vel cubitus, vel genu: (nam circa has vt plurimum ſe-
ctiōnes fieri accidit) infra ſecare oportet. Inciſio autem mi-
nus periculofa eſt, quō magis à principalibus partibus di-
ſtat, ſi iſa ratione fiat. Si verō penitus expers ſenſus iunctu-
ra fuerit, ſupra illam ſectiōnem facere oportebit. Age igit-
tur, cū opus aggredi volueris, ſint tibi præſto, quæ infra
notantur. Primum ferrea inſtrumenta ad hoc munus apta,
noua-

*Signa
ſphaceli.*

nouacula scilicet, & ferra, quæ & subtilis & acuminatis dentibus sit, deinde ferrea cauteria igne rubentia. Vtile autem est ex his quatuor parata habere & ministros duos, qui simul opus præstent, præcipuè si membrum magnum sit, vt coxa, quo celerius liberetur, præsertim si patiens sit imbecillis. Si verò vigeant vires in corpore, non inutile erit permittere sanguinis aliquid affluere, libram vnâ putâ, plus minusue vt virtus, membrorumq; circumstantiam repletio indicabunt. Sint enim cauteria plana, leniaq; ac densa, vt calorẽ diutius conferuēt. Sit præter hæc aliud, quo profundius vena (si cōtingat) vri possit, quorũ omniũ hîc formas exponim⁹.



Sint ab ijs parata vincula viribus valida, ne ea trahendo fortius (prout conuenit) rumpatur: alterum, quod duobus digitis latitudine æquetur, alterum verò huic dimidio, quò fortius stringat: mox fasciæ, quibus accedat medicamento- rum conuenientium apparatus, vt rosaceum, cum oui albo, & bolo armena: pro prima cura commodè vstæ parti ap- poni potest & oxycratum, quo muniantur circumstantes partes. At omnibus sic paratis, ac promptis, ligetur mem- brum supra locum sectionis per spaciũ digiti transversi, primò vinculo latiore, & illicò post tenuiore, verũ strictè admodum, quò sanguis sectis venis abundantius non ef- fluat. At statim vel vna simul contrarias partes vincire o- portet, quò sanguis retineatur, ne impetuosè ad mem- brum secundum fluat & effluat. Pars autem super sectionis locum pannis in oxycrato infusus inuoluatur, & euestigio cultro rasorio ponderosa manu sine formidine molles

omnes

omnes partes super os sedentes sic scindantur, vt ne quicquam infectum remaneat, præter os, quod & ipsum actutum serra amputetur: quo factò, candētibz ferris tota pars secta ponderosa manu incrustetur, ac fortius os ipsum. At si vena aliqua contracta effluere non desinat, alio instrumento pro ea parato vratur: mox ablatis à membro patiente vinculis, cataplasmetur iam dicto medicamento, ac tepido: viciniæ verò partes frequentius irrorentur oxycrato frigido, si æstas vigeat, amoto frigore, si hyems instet, contrariæ partes modò vinculis, modò frictionibus mediocriter molestentur, ne iam motus sanguis ad imbecilliores partem transcurrat. Diebus sequentibus, quò crusta decadat, infra scripto medicamento vteris: Recipe butyri non omnino recentis, nec vetusti, an. vj. lauetur per horam in succo porri, succum bis, ter tunc renouando, cum quo crusta implastreter. Quòd si porrum nō adsit, butyrum solum, vel suis axungia, similiter non omnino antiqua, satisfacient. Et cum crustam iam separationi vicinam esse noueris, butyro simplici, vel axungia recentis, mellis tantundem immisce, & vtere. Illa decisa, medicamentum, quod mediocriter exsiccet cum abstersione, conducet: cui succedant eutem generantia, quæ scilicet potentem exsiccandi sine morsu vim habeant, prout in reliquis etiam vlceribus competere vos (vt existimo) nouis. Quorum omnium exemplana infra exponere non pigebit, eorum maximè, quæ familiari nobis vfu fuere. Sed virtuti hîc primùm attendere oportet: nam in ijs faciliè dissoluitur, tum propter dolorem, tum propter euacuationem multam sanguinis, spirituumque. Quare per horulam ab opere, præter tationem non erit, infusum panem in vino paucifero dare. Nec est tentandum opus stomacho existente famelico: statim enim molesta syncope prehendendi solent: nec eo repleto, ne cibus propter agitationem corrumpatur, vel in venas mesaraicas omnino incoctus trahatur.

hatur. Tranſeamus nunc ad medicamentorum formas ex-
planandas, quæ tam præſeruatione, quàm procuratio-
ne nobis cum proſpero ſucceſſu, frequenti vſui fuere, à de-
bilibus incipientes, ac omnia breuiter ſuo ordine di-
ſponentes.

Putridam carnem remouentia. Cap. XXIII.

Carnem contuſam ad putrefactionem accelerant, quæ
facile corrumpuntur, vel quæ calida, & humida facul-
tate pollent, vt ouiluteum, oleum tum commune, tum a-
mygdalarum, & quod ex ſemine lini, vel fœnigræci, vel ſi-
milium fit, præter hæc butyrum, & recens & vetuſtum, ſed
hoc magis, verum propter eius calorem recens magis lau-
damus: Axungia porci, medullæ crurium vitulorum, boſi,
porcorum, & quæ eadem facultate vigent. Verum ad ſepa-
rationem illam magis vrgent, quæ colliquant, exſiccantq;,
quale præcipitatum, quod omnibuſui generis præfero, a-
lumen, æris viride, chalcanthum, ſandaracha, ſublimatum,
& quæ ex ijs ſiunt medicamenta. Verum horum nullum ap-
ponendum eſſe per ſe conſulo: dolorem namque excitant
plurimum, præcipitato omiſſo: nam ipſum inter hæc mi-
nimè dolorem affert: ſed & ipſum cum butyro miſcemus.
Si verò hoc præſto non ſit, viride æs vſtum vel purum cum
butyro miſcemus, vel chalcanthum, vel ſublimatum. Sed
hæc fortiora non vſui ſunt conferenda, niſi vbi magna fue-
rit corruptela, quæ nec ſola vi Naturæ, nec ope debiliu
medicamentorum ſeparari nequit. In ijs & Aegyptiacum
dictum vnguētum ponimus, quod ex aceti partibus ſeptē,
floris æris partibus quinque, mellis partibus quatuordecim
conſtat: cui quandoque alumen, & ſublimatum immiſce-
mus, vt fortius reddamus.

*Aegyptia-
ci compo-
ſitio.*

Abſtergentia & carnem generantia. Cap. XXIII.

Abſtergunt ſuccus myriophylli verbaſci, apij, roſarum
plantaginis, chelidonij, terebinthina, terebinthus, vi-

M m

num-

num, hepsēma, mel. Sed quia cūm abstergere intendimus, leuiter etiā exsiccare debemus, istis addimus hordeaceam, vel fabaceam, vel ex lolijis, vel lupinis, vel lentibus farinam, vel aristolochiam longam, vel rotundam, vel iridem, vel rosas, vel graminis radices, in tenuissimum veluti pollinem redacta. Si valentiū abstergere intelligamus, vel præcipitati, vel aluminis, vel floris æris vlti pōrtiuncula toti massæ addemus, vel Aegyptiacum appellatum vnguentum, vel ex horum & sipillium aliquibus miscellas cōficiamus, plus, minusue exsiccantes, vel abstergentes, prout vlcus ipsum ostendit. Nam vbi iam separata est ab vtili contusa caro, leuiore absterfione, ac leuiore exsiccatione egemus, quo deperdita caro regenerari citius valeat. Nam quæ leuiter abstergunt, modesteque exsiccant, sine morſu, vel cum minimo, carnis regenerationem non impediunt.

Cicatricem inducentia. Cap. XXV.

Cicatricem inducere dicimus quæcunq; superfluum vlcus humiditatem moderatē exsiccare possunt, ac si fieri possit, sine mordicatione, vt balaustium, gala immatura, syluestria poma, viridium nucum cortex, vesicæ super vltimos natae, gallæ cupressi in puluerem redactæ, plumbum vltum, tutia, lithargyrum, cerussa, bolus armena, terra Lemnia, alamen, & similia, vel ex ijs confecta emplastra, præterea fomentum ex austero vino, in quo sint cocta, quæ vi polent adstringente & siccante, vt balaustium, gala, alumen, & similia.

Repellentia. Cap. XXVI.

Repellunt quæ frigida sunt, & quæ adstringenti facultate sunt prædita, vt aqua simplex, stillatitia, decocta, vel succi herbarum frigidarum, vt lactucæ, plantaginis. poligoni, maioris sedi, & minoris, foliorum, & summitatum, rum rubi, rum vitium, myrtus, balaustinum, galla omphacitis,

citis, omphacium, acetum, mala, pyraque syluestria, mespila, sorba, alumen, atramentum sutorium, & alia huius generis: sed hæc mineralia cum humidis ac frigidis miscenda sunt.

Dissoluentia. Cap. XXVII.

Dissolunt quæ calefaciunt, & humectant, & quæ cum calore leuiter exsiccant, vt aqua calida, vinum calidum, omnia balneorum genera, modò ea fiant arte, vel natura sint calida, emplastra, olea, linimenta ex calidis medicamentis, vt anthemis, semen lini, scœnumgræcum, mentha, nepeta, serpillum, calamenrhum, pulegium, vrtica, melissa, arthemisia, & alia plura, quæ & à Galeno & Dioscoride, & à reliquis, qui simplicium medicamentorum facultates scripserunt, cognosci possunt, ac experientia comprobari: quibus omnibus faciliè prudens, ac exercitatus Medicus, atque Chirurgus, vbilibet ad vsum ratione componet medicamenta, prout morborum compositio indicabit: nam & hæc inter anodina numerari possunt: præterea somenta ex calido lacte, vel emplastra ex pane trito in lacte cocto, cui ouorum vitellia, crociq; aliquid sint addita, vel fursur triticeum in sapa coctum. At nunc de ijs sâris medicamentorum formæ aliquot à me quandoq; hic nominatæ scribuntur, ne pro ijs perquirendis Chirurgi plurimum laborent: non libuit hic illorum compositiones inserere, ne videar opus maius fecisse ex his, quæ ab alijs scriptoribus diffusè, ac clarè suere descripta.

Barbarum emplastrum scribitur secundo de compositione medicamentorum per genera, capite vigesimo secundo: & quia illic plures sunt formæ descriptæ, Chirurgus exercitatus ipsis vtetur, ratione ductus, sic vt vbi magis siccare conueniat, & adstringere, vel tertiu in ordine scriptum, nigrum appellatum, eliget: vel aliud Iuliani, quod cruentis

vulneribus competere dicit. Quòd si minùs siccare desideres, vel vbi adhuc carnis deperditæ regeneratio expectatur, primam vel secundam præpones compositionem, inscriptam Barbarum, quo vtor.

Quod ex chalciride fit emplastrum, descriptum reperitur libro primo de compositione medicamentorum per genera, capite quarto: nam & ipsum pluribus modis vsui venire potest, prout diuersificatur eius compositio, vt ex Galeni dictis satis patet. Et quia chalcitis non facillè haberi potest, atramento sutorio, eius loco vtimur: & vbi deest palma viridis, vel myrtum, vel salicem, vel vlmum eius vice in vsum ponimus.

Tripharmacum ex oxaleo, & argenti spuma, primo de compositione medicamentorum per genera, capite septimo inuenies. Isis epigoni si formam optas noscere, ad quintum de compositione medicamentorum per genera, capite tertio, recurrere: nam illinc & ex reliquis libris Galeni, præcipuè qui sub titulo de compositione medicamentorū per genera, & de simplicibus (vt dictum est) medicamentis, sunt inserta, varia medicamenta tibi suggeres, ad quæ recurrere poteris, si lubeat, oporteat atq;. Balani, aut (si malis) suppositoria, ex sapone fieri possunt oleo illita, vel ex radicibus betularum oleo illita, ac sale aspersa, vel ex melle diu cocto, donec indurescat, cui sint mista, vel sal, vel alumen, vel sal gemmæ, vel sal nitri, vel colocynthis.

Clysteria etiam varia fieri possunt: verum quod communiter in vsum venire potest, tale erit: Recipe mellis despumati, olei communis, vtriusque vncias tres, cassiæ extractæ vnciam semis, salis drachmas duas, decocti foliorum caulium vncias octo, misce, & fiat clyster: vel loco despumati rosatum mel capere poteris, vel loco decocti foliorum caulium, maluarum decoctum, præcipuè vbi minus partes ventris calefacere intelligas: similiter & violaceum, vel rosaceum

aceum loco communis olei. Quodd si potentiora postules, adde hieræ pieræ ab vncia semis, ad vnciam vnam, vel diafoenici, vel benedictæ laxatiuæ in eadem dosi, vel electuarium rosatum, vel confectionem amech, prout humor euo candus desiderat. Quodd si adhuc acriores desideret, vnciam vnam minoris centaureij, indecocto incoque, vel colocynthidis vnciam semis. Præterea decoctum exebuli, vel sambuci folijs, vel radicibus, in quo etiam supradictorum aliquid addatur. Verum hæc acriora tantum conueniunt in vegetioribus naturis, in quibus ad illas partes reuulsio potentior cum euacuatione exoptatur.

Et si non sit necessum huic nostri operi purgantium medicamentorum quicquam inferere, profuturum tamen quandoque plurimum existimaui, præcipue vbi Medicus non adesse possit, vel vbi Chirurgus per se vtrunque præstare audet. Quod vtiq; secus consulo, nisi & is in propinandis medicamentis ventrem cientibus non mediocriter fuerit exercitatus, ne quandoque plus, minusue, quam liceat, educat, vel offerat medicamentum, quod vomitum moueat, vbi id cohibere omnino oporteat: quod quandoque prorsus perniciosum est, vt in affectibus, qui circa ventres fiunt: vel humorem educat, quem fortè sinere præstitisset.

Medicamentum cholera purgans, nec vomitum mouens.

REciper habarbari electi, & subtiliter puluerizati drachmam vnam, electuarij rosati Mesuæ drachmas duas, syrupi rosati laxatiui quantum sufficit: fiat bolus, quem capiat mane, vel serò, per horas tres antecibum, cui statim superpotet infra scriptam potionem: Recipe syrupi rosati laxatiui vncias duas, aquæ cichoreæ vnciam vnam & semis, misce, capiat illico ab assumpto bolo, hoc medicamentum, quod bellè bilem ac serosos humores educet, ac sine molestia.

Pituitam ducens sine moleſtia.

Recipe agarici optimi non trochiſcati drachmā vnā, aloes electi drachmam ſemis, cum oxymelite ſimplici, fiat bolus, quem capiat hora electa, cui ſubito ſuperpoſtet inſcriptum: Recipe mellis roſati colati vncias tres, aquæ decoctionis betonicæ, vncias duas, miſce, fiat potio, quam capiat extemplo ab aſſumpto bolo.

Educens melancholicum humorem.

Recipe pulueris foliorum ſenæ drachmam vnā, agarici, cinnamomi, ana ſcrupulum vnum, cum ſyrupo de fumo terræ compoſito, fiat bolus, quem capiat, vt ſuprà, & ex tempore inſcriptam bibat potionem: Recipe origani manipulos duos, agrimoniz, ceterach, an. manipulū vnum, paſſularum vncias duas, aquæ fontis libram vnā: bulliant ad dimidium, cuius recipe vncias tres, ſyrupi de fumo terræ compoſiti vncias duas, miſce, fiat potus: capiat illico ab aſſumptione boli, vel ſi bolum hunc deglutire forſitan pigeret, loco eius fiat inſuſio drachmarum quinque, foliorum ſenæ, cinnamomi drachmæ vnus, in vncijs tribus decocti immediatè ſupraſcripti, cui ſuperaddes ſyrupum de fumo terræ compoſitum in doſi ſignata.

Omnes hæ medicinz ſuo loco & tempore exhibitæ in corpore, quod mediocriter medicinis pareat, educunt mediocriter, ſi debiliores vel fortiores, vel quæ miſtim humores educant, deſiderentur, ſapiens Medicus, tum ex his, tum ex alijs multis, quæ in purgandis corporibus vſui veniunt, medicamentorum varias formas, prout humores peccantes, ac patientis habitus indicabunt, componet. Hęc tamen

obiter dixiſſe placuit, quiſquis vberiorē huius lectionem deſiderat ad eos, qui ex inſtituto de hac materia tractare ſuſceperunt, conſugiat.

F I N I S.

INDEX MATERIARVM HV-
iusce libelli.

D e modo curationis	Cap. 3. fol. 18.	fol. 31	
D e extraneo inferradum	Cap. 2.	D e curatione	Cap. 15 fol. 35
ibid.		D e curatione vulneris capitis	Cap.
D e resanatione perditarum	Cap. 3.	16. fol. 37	
fol. 14.		D e thorace	Cap. 17. fol. 56
D e casu transmutantibus partes	Cap.	D e vulnere ventris inferiorum	Cap.
4. fol. 15.		18. fol. 65	
D e cognoscenda & conservanda bona		D e cura atrium	Cap. 19 fol. 69
partis temperie	Cap. 5. fol. 16	D e tibia	Cap. 20 fol. 74
D e cognoscenda temperie partis trans-		D e phlegmone	Cap. 21 fol. 75
mutata, & curatione eius	Cap. 6.	D e gangrena	Cap. 22. fol. 77.
fol. 17.		Putrida carnem renouentia	Cap.
D e percussione	Cap. 7. ibid.	23. fol. 83	
D e renissione	Cap. 8 fol. 19	Abstergentia & carnem generantia	
D e phlebotomia	Cap. 9 fol. 20	Cap. 24. ibid.	
D e anessione per alium	Cap. 10.	Cicatrice inducentia	Cap. 25. fol. 84
fol. 24		Repellentia	Cap. 26. ibid.
D e remellentibus sine euacuatione		Dissoluentia	Cap. 27. fol. 85
Cap. 11. fol. 27		Medicamentum choleram purgans, nec	
D e derinatione	Cap. 12. fol. 29	vomitum mouens	fol. 87
D e euacuatione à propria parte	Cap.	Piraitam ducens sine molestia	fol. 88
12. fol. 30		Eduens melancholicum humorem	
D e sanguine supprimendo	Cap. 14.	ibidem,	

FINIS



